



أهل الفن

توفيق الحكيم

أهل الفن

تأليف
توفيق الحكيم



أهل الفن

توفيق الحكيم

الناشر مؤسسة هنداوي

المشهرة برقم ١٠٥٨٥٩٧٠ بتاريخ ٢٦ / ١ / ٢٠١٧

يورك هاوس، شيبث ستريت، وندسور، SL4 1DD، المملكة المتحدة

تليفون: ٨٣٢٥٢٢ ١٧٥٣ (٠) ٤٤ +

البريد الإلكتروني: hindawi@hindawi.org

الموقع الإلكتروني: https://www.hindawi.org

إن مؤسسة هنداوي غير مسؤولة عن آراء المؤلف وأفكاره، وإنما يعبر الكتاب عن آراء مؤلفه.

تصميم الغلاف: ولاء الشاهد

الترقيم الدولي: ٩٧٨ ١ ٥٢٧٣ ٣٨٦٤ ٧

صدر هذا الكتاب عام ١٩٣٤.

صدرت هذه النسخة عن مؤسسة هنداوي عام ٢٠٢٥.

جميع حقوق النشر الخاصة بتصميم هذا الكتاب وتصميم الغلاف محفوظة لمؤسسة هنداوي.
جميع حقوق النشر الخاصة بنص العمل الأصلي محفوظة لأسرة السيد الأستاذ توفيق الحكيم.

المحتويات

٩

١٩

٥١

في القاهرة

في الريف

في مونمارتر

إلى
«الأسطى حميدة الإسكدرانية»:
أول من علمني كلمة «الفن»

في القاهرة

العوالم

قُبيل قيام القطار من محطة مصر بنحو خمس دقائق ... نَزَلَ الحاج محمد المطيب من عَرَبَة الدَّرَجَة الثالثة ... ووقفَ على الرصيف بجوار النافذة ... يُجفِّف عَرَقَه، ويسعل سعالَ «أصحاب الكيف» الذين يعيشون بأنفاسِ «التعميرة» ... ثم صاح: يا الله ... رمضان كريم.

وسعلَ سعلة انتهت ببصقةٍ كبيرة ... وألقى نظرةً اطمئنان سريعةً على الأسطى حميدة وجميع أفراد التَّخْت ... وقد «انحشَرْنَ» في مقعدين متقابلين بطرف العربة ... تتوسطهن صُرر الآلات ... ثم قال: أديني بلا قافية رَسْتَأْتُكُمْ في رُكن مُعتَبَر ... خَلِيكو بقى كده بإذن الله لحد محطة سيدي جابر.

فرفعت الأسطى حميدة يديها إلى السماء بقوة: شي لله يا سيدي جابر ... الفاتحة يا ولاد لسيدي جابر.

فصاح الحاج محمد بسرعة: بس حاسبي ... بلا قافية إيدك حاتوقع الرِّق من فوق الصرَّة على العود تنقطم رقبتة.

- شَرَّ برَّه وبعيد ... شي لله يا سيدي جابر ... إلهي يجبر بخاطرنا ... بسرّه الباتع ...
إلا يا حاج محمد ... دي المستعجلة دي والأ المفتخر؟!

- المستعجلة ... هو من غير مؤاخذه المفتخر يبقى فيه «ترسو»؟

- هلبت على كده ما نطَّب هناك بعد مدفع الفطور.

- على أبو التسعين ... حاتلاقوا حد من طَرَف بيت الفرح مستنظركم على المحطة.

وعندئذٍ رنّت ضحكةٌ سخريةٍ من سُلم «الرقّاقة» العاجزة، أردفتها بقولها: وإن ما
كانش حدّ في استنظارنا يا ادّلعدي ... دي ساعة فطار وكل من كان همّه في بطنه.
فالتفتت إليها الأسطى حميدة وقالت: النبي تنسدي ... وتحطّي على ميلتك برش ...
العلوان معاه.

فابتسم الحاج محمد وقال: براوه عليك يا أسطى حميدة ... أهو بلا قافية إن ما
كانش حدّ في استنظاركم، أديك معاك العلوان.

وكأن الأسطى حميدة (بجلالة قدرها) لم تفكّر في العنوان إلّا في هذه اللحظة ... ذلك
لأنها أخذت فجأةً تبحث عنه في ملابسها وفي صدرها ... ثم التفتت إلى فاطمة «الرقّاصة»
وقالت بقلق: بت يا فاطنة ... الورقة اللي اديتها لك فين ... واحنا في الحنطور؟
فأجابتها: ما هي ملفوف فيها الصاجات.

فدقت الأسطى حميدة على صدرها صارخةً: صاجات يا بت؟ ... الورقة اللي فيها
العلوان ... إلهي يسخطك!

فتجهّم وجه الحاج محمد قليلاً وقال: بقى بلا قافية مش عارفين تستحرصوا على
حتة ورقة؟!

وهنا دقّ جرس المحطة الأول، فصاح جميع أفراد التّخت في وقتٍ واحد بغير نظام ولا
ترتيب: نشوف وشك في خير يا حاج محمد.

ولكن الحاج محمد أشار إليهم بالسكون: هُس ... لسّه ... هُس سمع ... لسه فاضل
كمان من غير مؤاخذه جرس.

ثم سعلَ وبصقَ وصاح: يا الله ... رمضان كريم.
فقالَت الأسطى حميدة وهي تبتسم بخبث: بحق يا حاج محمد ... دا انت صايم ...
إلهي يصبرك.

فلمّ يُجب الحاج محمد ... ولم يتنبه إلى ابتسامات الحُبت والسخرية التي تُبودلت بين
جميع أفراد الجوق ... واستمرّ يُتمتم بذكر الله والصيام ... ثم رفع رأسه وقال: بقى فهمتم
بلا قافية تعملوا إيه في محطة سيدي جابر؟ ... تسألوا على بيت محمد بك قطبي، زي اللي
مكتوب في الورقة ... محمد بك قطبي من أعيان إسكندرية، ألف من يدلكم عليه.
وفي هذه اللحظة صفر القطار، فصاح الحاج محمد: هه ... يا جماعة ... مش لازمكم
حاجة؟

فصرخت سُلم الضريرة: حاج محمد ... يا حاج محمد ... لازمنا قلة ميه.

فأجاب الحاج محمد مُنتَهراً: قُلة مَيِّهٍ إِيهِ؟! إِحنا في رمضان يا ولية ... اتقي الله ... واختشي على عرضك.

فهزَّت نجية «الطبَّالة» رأسها وقالت: حِكَم ... بقى المَيِّه يا حاج محمد والألَّ التعميرة؟ فصاح الحاج محمد بغضب: تعميرة إِيهِ يا مره؟ ... وحق صيامي ...

فقاطعته نجية: صيامك؟ ... صيامك أنهو ده يا روحي؟! ... ما تقولش كده أُمَّال ... دانا شايفاك بعيني الصبح في إيدك الجوزة وقاعد تُكح وتنبّر!

وأراد الحاج محمد أن يتكلم فقاطعتهُ الأُسْطى حميدة مغيّرةً مَجْرى الحديث فضًّا للنزاع ... وقالت بعد أن غمزت «الطبَّالة» نجية بطرف عينها: الحاج محمد صايم، زي مانا صايمة ... فضُّكم يا ولاد من السيرة الغبرة دي فضُّكم ... قطيعة ... آه ... حاج محمد ... يا حاج محمد ... شوفي ياختي ... نسيت أقول لك ... يا دي الحوسة ... الأرانب أمانة في رقبتك يا حاج محمد، ما تنساش ترمي للأرانب فوق السطح قشر العَجُور ... أمانة عليك ... السيدة في ضهرك!

وهنا دقَّ الجرس الأخير ... وعلا الضجيج من كلِّ جانب ... وتحركَ القطار بين صياح أفراد التَّخت: نشوف وشك في خير يا حاج محمد. وبين صياح الحاج محمد: مع السلامة.

واختلطتْ هذه الأصوات بعضها ببعض، حتى لم يُعُدْ في مقدور الحاج محمد ولا غير الحاج محمد أن يُميِّزَ كلمة «الأرانب» أو جملة «نشوف وشك في خير». من بين هذه الأصوات المختلطة ... ومع ذلك استمرَّ في هذا الصياح الغريزي كلُّ من الطرفين ... كأنما كلُّ يصيح للصياح نَفْسه ... إلى أن ابتعد القطار ... وعندئذٍ هدأ كلُّ لِنَفْسه.

جلَسَ أفراد التَّخت برهَةً من الزمن في سكونٍ عميق، كأنما فراق مصر — ولو لمهمة قصيرة المدى — أدخل على نفوسهنَّ أثرًا مُحزِنًا ووحشةً مؤثِّرة.

لم يقطع هذا السكون القاتم غير صوتِ سُلْمِ الضريرة قائلة: يوه ... شوفي ياختي نسينا نقول للحاج محمد يشترى لنا دخان ... بقى هو بسلامته باكه السمسون اللي معانه حايكفي طول النهار؟!

فَلَمْ يُجب أحد ... واستمرَّ كلُّ في سكونه وإطراقه.

وأخيرًا رفعت الأُسْطى حميدة رأسها قليلًا، وتنهَّدتْ ثم قالت بتأثر: يا حبيبي يا

مصر!

وكانَّ هذه الجملة كانت تُعبِّر تمامًا عن إحساس الجميع، فأطرقَ الكلُّ لحظةً ...
ثم بدأ كلُّ يرفع رأسه وينظرُ حوله، ليرْفَهُ عن نفسه.
فقالت سُلمُ العاجزة: كلها بُكرة ونرجع تاني لبلدنا.
وقالت نجية «الطبَّالة» بابتسامٍ وعيناها ترمقان المقعد التالي: وهي إسكندرية وحشة؟
... والنبي إسكندرية روح ...

وقالت فاطمة «الرقاصة» وعيناها كذلك ترمقان بدلالمقعد التالي الملاصق: إسكندرية
مريَّة، وترابها زعفران.

وهكذا أخذ يُسرَى عن الجميع ... وتتلاشى آثار الوحشة ... فعاد الصفاء إلى وجه
الأسطى حميدة، وقالت: سُلمُ ... لفي لي سيجارة.

تناولت سُلمُ علبة الدُخان، وجعلتُ «تلفُ» سيجارة، بينما أخذت الأسطى حميدة
تتلفُ حولها متصفِّحةً وجوه المسافرين، ثم نظرتُ إلى فاطمة ونجية، وقالت بتهمُّم:
حسرة وندامة على دُول ركبَّاب!

أصابت الأسطى حميدة ... في الواقع أغلب الركَّاب كانوا من الصعايدة والفلاحين ... ومع
ذلك فإن الأسطى حميدة، بعيونها الكحيلة، لم تلمح خلفها أصحاب المقعد التالي المتلاصق
... أصحابه أربعة: ثلاثة أفندية ... ورابع يرتدي «بنش» وطربوشًا.

وإذا أرادت الأسطى حميدة أن تعرف أكثر من ذلك، فلتُعلم أن هؤلاء الأربعة من حين
أن تحرَّك القطار لم يفوتوا لحظةً عن النظر إليها، وإلى هيئة التَّخت، ما عدا سُلمُ «العمياء»
... وإذا أرادت الأسطى حميدة إفصاحًا، فلتُسلَّ عيونَ نجية وفاطمة.

«لَفَّتْ» سُلمُ السيجارة، ثم دَقَّت على صدرها قائلة: يوه ... يا ندامة الشوم ... ما
معناش كبريت!

وفي هذه اللحظة ظهرَ مفتشُ التذاكر، ودقَّ على جدار العربة «بكمَّاشته» وصاح:
تذاكر قليبوب.

فصاحتُ سُلمُ وهي تُدير وجهها نحو مصدر صوت المفتش: يا حضرة المفتش ... ما
معاكش كبريت إلهي ما تغلَّب لك ولية؟!
فأجاب المفتش ببرود: كبريت إيه؟

فقالت الأسطى حميدة متلطفة: ما تأخذناش، بس نولع السيجارة.

فقال المفتش بتحفظ، وبغير أن يلتفت نحوهن: أنتم فاطرين رمضان والأ إيه؟

وكان قد وصلَ إلى المقعد التالي المُلاصق، فسرعان ما تنحنح «لابس البنش» ورأى
الفرصة سانحةً للكلام، فقال: الفطار مُباح لأهل الحظ يا سيدنا المفتش!
فلمْ يُجب المفتش ... بل لزمَ بروده وتحفظه ... وجعلَ يُوَدِّي أعمال وظيفته بجدِّ
جافٍّ ... إلى أن ابتعد ... فقالت الأسطى حميدة: يا سِم على ده مفتش!
فردَّت فاطمة وهي تنظُر إلى الأفندية أصحاب المقعد الملاصق: ياختي حقًا، ماله إنط
كده ومِتَعَنَطْ بعيد عنك؟!
فتنحنح «لابس البنش» وقال: ما هو اللي زي ده — من غير مؤاخذاة — فاهم نَفسه
الحكومة.

فصادقتُ فاطمة على كلامه ... ثم أخذَ الجميع، «العوامل» من جهة و«الأفندية» من
جهةٍ أخرى، يتحدَّثون لحظةً على حساب هذا المفتش ... إلى أن قال أحد الأفندية: جرى
خير ... الحمد لله.

وقال الثاني بلُطف: الكبريت معانا يا ستات.

وزاد الثالث: ومعانا سجاير كمان.

ثم تنحنح «لابس البنش» وقال: حضرتكم نازلين فين ... ولو فيها رزالة؟
فردَّت سُلْم بسرعةٍ كأنها مغتبطَةٌ بمعرفة هؤلاء الذين معهم الكبريت والسجاير:
سيدي جابر يا أدلعي.

فصاح الرجال: زيْنَا بقى ... سكة واحدة إن شاء الله ... إحنا نازلين إسكندرية.

وأضاف أحد الأفندية: الليلة بإذن الله نصليِّ التراويح في سيدي «أبو العباس».

وتنحنح «لابس البنش» مرَّةً أخرى ثم قال: أظن حضرتكم مسافرين في فَرَح؟

فقالت الأسطى حميدة بعظمةٍ وتفأخُر: أيوه يافندم ... فَرَح — اسم الله — محمد بك

... محمد بك ... إيه يا بت يا فاطنة؟

فردَّت فاطمة بسرعة: محمد بك قطبي.

فنظرت الأسطى حميدة إلى الأفندية وقالت: محمد بك قطبي من أعيان إسكندرية على

سن ورُمح.

— أنعم وأكرم.

وأردفَ أحد الأفندية: محمد بك قطبي ... أظنُّه راجل كبير؟

فأجابَت سُلْم العاجزة: العريس؟ ... لا وحياتك إلا حته جِدع خِفة مشلبن يشفي

العليل!

أهل الفن

فألْتَفَتَتْ إِلَيْهَا نَجِيَّةٌ قَائِلَةٌ: إِنَّتِ يَعْنِي سُفْتِيهِ؟!
فردتْ سُلْمُ: الحاج محمد كان بيقول العريس جدد صغار.
وفي هذه الأثناء أخرج أحد الأفندية من جيبه علبة السجاير وأدارها على أفراد التَّخت،
وقال وهو ينظرُ إلى فاطمة «الرقاصة»: أظن الست الصغيرة هي اللي حاتم النقطة؟
فأجابت فاطمة بدلال: أيوه يافندي.
وقال آخر وهو ينظرُ إلى نجية: والست أُمّال إيه؟
فأجابته نجية بابتسام: دَرَبُكَّةٌ يافندي.
وقال الثالث «لابس البنش» للأسطى: إحنا من حق بدنا نتشرف بالاسم الكريم.
فأجابت الأسطى حميدة بخيلاء: حميدة المحلوية ... واسأل في حته باب الخلق، أَلْفَ
من يدلك.

فقال الجميع باحترام: أنعم وأكرم.
ثم قال أحدهم وهو يُشير إلى العُود: حضرتك بقى الأسطى العوادة؟
فأجابت: أيوه يافندم.
فتنحّح «لابس البنش» وقال: ما شاء الله ... ما شاء الله ... العود سلطان الطرب ...
يا سلام!

وقال آخر: معلوم ... دا أبو المغنى والحظوظ.
ثم صمّت الجميع لحظةً ... قطعتهَا سُلْمُ بقولها: يعني ما حدّش سألني أنا رخره
أبقى إيه؟!

فارتبكَ الرجال وخجلوا قليلاً، وتمتمّوا باعتذاراتٍ واهية ... ثم أراد أحدهم التخلّص
من هذا الموقف، فأخرج من جيبه علبة السجاير وأدارها من جديد على أفراد التَّخت ... غيرَ
أنَّ سُلْمَ بعد أن مدّت يدها وتناولت سيجارة قالت عابسة: بس كتر خيرك يافندي ... إحنا
ما نشربش غير «سمسون فرط ماركة الغزالة».

وهنا كان القطار قد وصلَ إلى محطة قليبوب؛ فأبى الأفندي إلا أن يشتري لسُلْمَ باكه
سمسون من المحطة.

ما غادر القطار محطة قليبوب، حتى كانت العلاقة قد استحكمت تقريباً بين أصحاب المقعد
التالي الملاصق وبين هيئة التخت ... فتنحّح «لابس البنش» وقال: بقى يا أسطى حميدة
صلي على النبي.

فقلت: اللهم صلِّ وبارك عليه.

فاستطرد «لابس البنش»: بقى احنا ولا مؤاخذة ناس صايمين، والصايم له الحق في التسالي ... والأنا غلطان؟!!

وأردف أحد الأفندية: والله تكسبوا فينا ثواب!

وزاد آخر: لأ ... وكمان يبقى زكا عن فطاركم.

فأجابت الأسطى حميدة وهي تزجج حاجبها بعود ثقاب: صوتي مبوح شويّة.

فقال «لابس البنش»: صوتك المبوح ده سلطان الطرب.

وقال أحد الأفندية: أنا عايز أسمع «في العشق قضيت زمني»؛ لأن نعيمة المصرية ...

فقاطعته الأسطى حميدة صائحةً باحتقار: يا دهوتي ... نعيمة المصرية تعرف تقول

«في العشق قضيت»؟!!

فقال الأفندي بخبث: ما أنا بقول كده برده.

وهزّت سُلْم رأسها ثم قالت: يا حضرة الأفندي اللي يسمعنا ما يسمعش نعيمة المصرية.

فأجاب الأفندي: أيوه، ما هو أنا ناوي ما اسمعهاش.

وصادقت الأسطى حميدة على قول سُلْم برأسها، ثم صاحت بحماس وخُيلاء: قولي له

... قولي له ... أنا مين؟! دا أنا حميدة المحلّوية يامرغرات.

فصاح «لابس البنش» باحترام: مفهوم يافندم ... ونعم ...

وفي أثناء حماس الأسطى حميدة، انحدر رأس «ملايتها» بدون أن تشعر، فظهر

«الصفاء» الذهبي البراق الذي يزين شعرها، كما ظهر منديل «الترتر» في مقدم رأسها

يخطف الأبصار ... وتنبّه الرجال إلى ذلك، فأخذوا يختلسون النّظر إلى شعرها بين فترة

وفرة ... ولاحظت ذلك منهم فاطمة «الرقاصة»؛ فأسرعت بتنبيه الأسطى مخاطبةً إيّاها

باللغة الاصطلاحية بين «العوامل»: إطسا ... يا إطسا ... أفصك نايب ... أي: «أسطى ...

يا أسطى ... صفاك باين ...» ولكن الأسطى لم تسمع أو لم تُرد أن تسمع متشاغلةً

بتزجيج حاجبها بعود الثّقاب ... ولاحظت نجية «الطبّالة» أيضًا نظرات الرجال إلى شعر

الأسطى، فسرعان ما انضمت إلى زميلتها فاطمة في تنبيه الأسطى: إطسا ... أفصك نايب

ياختي.

فلم تنتبه الأسطى ... وانتبه أحد الأفندية إلى هذه الجملة الغريبة ... فلم يفهم معناها،

وقال: إطسا ... إطسا دي فين؟ ... دي وجه قبلي ...

فقال «لابس البنش»: لا لأ ... دُول بيضربوا بالسّيم.

واشتدَّت حِدَّةُ فاطمة لتغافل الأسطى حميدة ولنظرات الأفندية لشعر الأسطى،
فصاحت بغيظ: ياختي ما تسمعي أُمال ... أفصك نايب.

وردَّدت نجية كذلك بغيظٍ وغيره: ياختي ألحقي أفصك باين.

فانتبَه أحدُ الأفندية وقال ضاحكاً: أفص مين الي باين؟!

فاستدركتُ نجية بسرعةٍ صائحةً: يوه ... يا دهوتي ... شوفي ياختي ... قال بدِّي أقول
أفصك نايب ... قلتُ أفصك باين.

ثم ضحكْتُ ضحكاً رناناً ... هي التي نبَّهت الأسطى؛ فالتفتت ونظرت إليها شزراً،
ثم قالت: هلبت انسخطتي لما ترععي الصهولة كده في وسط الباجور.

فقلت نجية: أصلي غلظت وأنا بضرب بالسيم، قطيعة!

وعادت الأسطى حميدة إلى حاجبيها وعود التُّقاب؛ فقال «لابس البنش» بتوسُّل: يا
أسطى حميدة ... أنا محسوبك ... التُّقل على الصايمين حرام.

فأجابت الأسطى بتيهٍ وإعجاب: حاضر ... من عيني.

فقال أحدُ الأفندية: «في العشق قضيت.»

فأجابت الأسطى بدلال: حاضر.

فقال أفندي آخر: مش حاضر وبس ... لأ ... إحنا محاسيبك.

فقلت الأسطى: من عيني ... حاضر.

فقال «لابس البنش» مشيراً إلى العود: العود ما هو جنبك أهو يا أسطى حميدة.

فأجابت «بتنقل»: حاضر ... حالاً.

ثم نظرت إلى نجية وقالت بصوت يسمعه الأفندية: أه ... ياما روعي بتشْفِشْفُ على
فنجان قهوة سادة.

فقال «لابس البنش»: لك عليَّ يا أسطى حميدة لما نوصل بنها.

وقال أحدُ الأفندية منتهزاً الفرصة: مش نسمع «في العشق قضيت» يا أسطى حميدة

والآ إليه؟ ... إحنا نرجوك رجا خصوصي.

فأجابت الأسطى بدلال و«تقل» بنيت «الكار»: حاضر ... إمسكي الرُّق يا سُلم.

ثم نظرت إلى فاطمة وسألتها همساً «بالسيم»: بت يا فاطنة ... بُصي في وشي ... هلبت

ما حاجب خفيف وحاجب ثقيل؟

وفي هذه اللحظة حَضَرَ المفتش؛ ليفحص تَذَاكِرَ مَنْ رَكِبَ من قلوب ... فقال لطائفة

التَّخت بلهجته الجافَّة المُتَحَفِّظَة: ما زادش عليكم حد؟

في القاهرة

فأجابته الأسطى حميدة وهي تخطُّ حاجبها الخفيف بعود الثَّقاب: ما زاد علينا إلا
الحرقوص ...

فانصرَفَ المفتِّش، خشيةً أن تنقُصَ هيئته بمزاح هذه الطائفة.
وما كاد المفتِّش يبلغ طرف العرَبة الآخر ... حتى دوى في العرَبة صوتُ هيئة التَّخت
بأكملها مع الآلات جميعها من «عود ورق ودرُبُكَّة»:

«في العشق قضيت زماني،
وهمِّي اليوم يكفاني.
آه، انظروا جسمي السقيم.»
فوقف المفتِّش مبهوتاً، ووقفت كلُّ «العربية على رجل».

باريس، يونيو سنة ١٩٢٧ م

في الريف

الزمار

(مكتب طبيب صحة في الأرياف، قاعة عارية الأرض بها مكتب قديم، وبضعة كراسي من القش فوق حصيرة، وبعض خرائط طبية على الحائط، وخرائط جغرافية لبلدة «تلا» ومقياس للنظر، وطشت صيني فوق حَمَّالة تصبُّ فيه حنفية صغيرة مركَّبة في صهريج صغير من الزنك مُعلَّق بالجدار. وبالقاعة نافذة تظهر منها مزارع خضراء وسيمافور سكة حديد مصرية، وبالجدار آلة تليفون من طراز تليفونات المراكز، وباب القاعة مفتوح على مصراعيه، يؤدي إلى شبه صالٍة بها بعض دك خشبية للجلوس ...

التمرجي سالم نائم على المكتب، ورهط من الفلاحين والفلاحات والأطفال مكدَّسون، بعضهم فوق بعض، بمدخل باب القاعة، وهم يزحفون شيئاً فشيئاً إلى داخلها في لغط، وقد ارتفع صوت صياح طفل في حجر أمه، حتى كاد يُغطِّي على غطيظ التمرجي).

سالم (يرفع رأسه): اكنمي نفس الواد يا حُرمة، ألا أقوم أقطم لك رقبتَه!
الحُرمة: الغيار إمتى يا حضرة الصحة؟

(سالم يغط).

الحُرمة (بعد لحظة): الغيار!

سالم (وهو مُغمض): هس!

أهل الفن

الحرمة (تصيح): الغيار!
سالم (يفتح عينيه): يا ولية طيّرتِ النوم الحلو من عيني!
الحرمة (في توسل): الغيار!
سالم: إنكِ عليكِ عفريت اسمه الغيار؟
الحرمة: أحب على إيدك تغير للولد.
سالم: لَمَّا يجيني مزاجي!
فلاح: باجور الضحى فات من بدري يافندي!
سالم: عجائب! وحياة النبي أقوم أكب عليكم حمض فنك!
(صمت.)

الحرمة (في همس): بقى لنا هنا ياخواتي من طلعة الشمس.
فلاح ثانٍ: وأنا هنا من الفجر!
الفلاح الأول: الميت زمانه عفن!
حرمة ثانية: ميت مين؟
الفلاح الأول: البركة فيكي. خالي إبراهيم الجرف. عايزين له شهادة دفن من الصحة.
(صمت.)

الحرمة الأولى (في همس تُشير إلى سالم): هو ده مش الحكيم الكبير؟
الفلاح الثاني (في همس): دا سي سالم التمرجي. ماحضرتهمش في ليالي؟ عقبال ما
يجي لك في الأفراح!
الحرمة (في استنكار): أفراح؟! إن شا الله انت اللي يجي لك في الأفراح. أنا كنت سارقة
فراخك، والأحارقة دارك لَمَّا تدعي علي؟!
سالم (يصيح بهم): بس يا عيان انت وهوه.
الحرمة: يافندي اعمل معروف ... الولد ...
(سالم يغط.)

الحرمة: رجع شخر تاني، يا غلبي!
فلاح ثالث: فوَّقيه بحق الدخان!

الحرمة: معايه حق المدعوق الدخان بس يصحى لنا ... الولد ما نامش الليل!
الفلاح الأول: روعي صحّيه ... إلّا سوق الاتنين فات.

الحرمة: ما تروح أنت!

الفلاح الثاني: روعي قولي له ندرًا عليّ اطاهر الولد؛ وأسهرّك في اسبوعه!

الحرمة: بعد الشر عليّ وعلى اولادي!

صوت في الطريق (في ترنيم عربي): وين ... وين ... وين يا عرب! ... وين ... وين

... وين يا عرب! ... (ثم صوت زغاريد.)

الفلاح الأول: الناس راجعة من السوق!

الصوت في الطريق: وين ... وين ... وين يا عرب!

سالم (يصحو وينهض وقد أرهف السمع): ده فرح والأّ متهيا لي؟ ... (يدنو من

النافذة وينظر إلى الطريق.)

الفلاح الثاني: فرح عربان يا فندي!

سالم (ناظرًا من النافذة): أيّ والله، الصندوق الأحمر جديد مزوّق، فوق الجمل،

وحثّتين النحاس في إيديهم، وراس السُّكَّر القُمع طالّة من جوّه الخُرج! (يصيح في النافذة

مُترنمًا مثل العرب: وين ... وين ... وين يا عرب!) ... (ثم يُهرع إلى دواب الأديوية والإسعاف

الصغير المُعلّق بالجدار، ويتناول من فوقه زمارًا من البوص، يعودُ به إلى النافذة مُسرعًا

وهو يزمرُّ به موالًا ريفيًا ثم يصيح:) هاي يا شيخ العرب! ... جاي لك يا شيخ العرب! ...

حَضِرَ الفَتِّ والدُّبيح يا شيخ العرب! (ثم يعود إلى الزمر:) لُو ... لُو ... لُو ...

الحرمة: الولد يافندي ... الولد عياه شديد ...

الفلاح الأول (في رجاء): ادفن لنا الراجل يا سيدنا الافندي!

سالم: هس! ... سمع ... سمع ... (ينفخ في الأرغول.)

الفلاح الأول (يتمتم): لسه ما طلغوش بالميت هناك، وأنا قاعد أسمع أرغول هنا!

سالم (يلتفت إلى الفلاح الثاني بقربه): اطلع يا واد اجري ورا الجماعة العرب دول،

شوفهم مسهرّين الليلة مين.

(الفلاح الثاني يخرج مُسرعًا، سالم التمرجي يضع المِزمار تحت إبطه، ويُطلُّ

من النافذة قائلاً للفلاح الذي خرج خلف الأعراب:)

اسمع يا واد! ... قول لهم عندنا اللي ينشد قصايد على الأرغول ويزف بلدي، ويغني

مواويل حُمر!

الحرمة: الولد سخسخ في إيدي يا جناب الافندي ... الحقني!
سالم: اسكتي يا حرمة مش وقته! (يعود إلى النظر من النافذة).
الفلاح الأول: يا سي الافندي ... اعمل معروف، ادفن لنا الراجل!
سالم (يلتفت، وينظر إليه شزراً): حاضر. طوّل بال حضرتك عليّ!
(صمت.)

الفلاح الأول (مستعظفًا): أنا وقعت في مداسك يافندي ... الميت بايت من ليلة امبارح،
وقعد للشمس العالية من غير دفن، مستنظرين شهادة الصحة، زمانه عفن دلوقت!

سالم (ينظر إليه شزراً): إيه هو الي عفنّ؟

الفلاح الأول: وعزيز راسك بايت وزمانه عفن!

سالم: وحُمض والأ لسه؟

الفلاح الأول (في توسل): يا سيدنا الافندي!

سالم (ضائق الصدر): بس بقى اتم، وجع في شقتك! طول عمرنا ندفن أموات، بعد
يوم واتنين، واربعة وعشرة، ماسمعناش حد قال عفنّ ولا سوّس! الميت بتاعك انت يعني
الي حلاوة حُمصية؟

الفلاح الثاني (يعود من الخارج): جاهم خابط!

سالم: عملت إيه؟

الفلاح الثاني: دول ناس ما تأخذنيش عرب جرابيع، لا يعرفوا مواويل حُمر، ولا
مواويل حُصر!

سالم: يعني الغرض ... مسهّرين والأ مش مسهّرين؟

الفلاح الثاني: ما يفهموش الكلام ده. دول من غير مؤاخذه رايعين يطلقوا لهم في
الهوا كم عيار بندق، وينزلوا صَقْف بيايديهم لما يبطلوا ... ويلهفوا العصيدة ملهلبة نار،
وينفخوا بطونهم ويناموا.

سالم: وده اسمه فرح؟

الفلاح: فرح العربان كده يافندي!

سالم: جات دول الغم في فرحهم!

الفلاح الثاني: معلش! عاود بكرة موسم الفول يطلع، وافراح الفلاحين تكثر!

سالم: مش باين.

الفلاح الثاني: ربك كريم!

سالم: موسم الغلة يطلع نقول موسم القطن، وموسم القطن نقول موسم الفول. لا حد بيفرح ولا يحزنون!

الفلاح الثالث: في موسم الفول الأشيا بإذن الله تبقى معدن!

سالم: شي لله يا موسم الفول!

الفلاح الثالث: اللي عنده ولد يطاهره ... والي حذاه بِنِيَّة يكتب كتابها ... والي مراته عويلة يتجوز غيرها.

سالم: ما هو بس انتم يا فلاحين مالكوش مزاج في الطرب!

الفلاح الأول: الوقت راح يا جناب الأفندي، إدفن لنا الراجل.

سالم: اتفرّج! شوف احنا بنقول في إيه، وابن الكلب ده بيقول في إيه ... ما عندوش مزاج أبداً بالأصالة كده!

الفلاح الثاني: لو بس الفول جاب السنة عشر برايز!

سالم: لو جاب الفول عشر برايز تعمل إيه؟

الفلاح الثاني: أكتب كتابي!

الحرمة: النبي يافندي تغير للولد وتشوف الرغاوي اللي طالعة من بقه!

سالم: وبعدين بقى في القرف الحراتي ده؟!

الحرمة: والنبي يا حضرة الصحة ... تنهضني.

سالم: اسمعي يا حرمة!

الحرمة: نعم!

سالم: عايزة ابنك يطيب؟ ... اعلمي له ليلة!

الحرمة (تُرهف أذنها): لبخة؟

سالم: شوف بنت الكلب بردّه؟! بقول لك ليلة. اعلمي له ليلة بالبطبل والأرغول!

الحرمة: ليله؟ والنبي أعمل، ندرًا عليّ، بس يطيب!

سالم: إنتم ناس مالكوش مزاج في الدنيا والسلام. طبعكم كده، أعمل لكم إيه؟ ...

أشترتي لكم مزاج من السوق؟ الموال ده بطلال ... (يرفع أرغوله ويزمر) لُو ... لُو ... لُو ...

(يسكت بين صمت بارد ولا يُجيبه أحد) أيوه بس وحُدّوه! أنتم فين؟!

الجميع (في خوف): الله!

الفلاح الثاني (في تحمُّس مُتزلِّفًا): أحسنت يا سي سالم!

أهل الفن

سالم: أيوه كده يا عيان ... خليك صهبجي!

الجميع: الله! ... كمان يا سي سالم!

سالم: بس! ... سمع ... سمع! ... أنتم لسه شفتم حاجة؟ أمال بس لو كنت أغني لكم دور من أدوار «الماكنة» اللي عند سي عبد المنطلب كنتم تقولوا إيه؟ آجر اسطوانات جات له من مصر شيء من ورا العقل! لكن يا خسارة ما تفهموش انتم الكلام ده ... خَلِينَا على قَدْنَا ... اسمعوا الوصلة دي. (يزمر.)

(يدخل عبد المنطلب أفندي، وهو يشقُّ بقدمه طريقًا بين جموع الفلاحين.)

عبد المنطلب: الله! الله! ما شاء الله على دي صحة!

(سالم يُنزل المزمار ويلتفت إليه في صمت.)

عبد المنطلب: بقى بدمتك دي صحة؟

سالم: معلوم! أحسن صحة في المديرية!

عبد المنطلب: حضرتك ناصب لي هنا سامر؟

سالم (ببرود): مش شغلك!

عبد المنطلب (ناظرًا إلى الفلاحين): وأصناف اللبد دي إيه؟ ... والحريم والعيال

بدبأنهم ووسخهم وقرفهم، ملمومين في أودة الكشف حواليك زي اللي في المولد ...

سالم: مالكتش شأن!

عبد المنطلب: الأمور دي ما تعجيش الدكتور يا سي سالم أديني بقولك. يعني لو كان

دخل عليك دلوقت، وشاف دي الحالة، مش كان يخصم منك يومين؟

سالم: الرّم مركزك يا عبد المنطلب افندي!

عبد المنطلب: عجائب!

سالم: مالك ومال أودة الكشف؟ إنت لك أودة اسمها أودة كاتب الصحة، لمّا أروح

عندك، وانصب سامر ابقى اتكلم، لكن هنا مالكتش دخول إلّا لمّا يكون الدكتور موجود،

تخش تورّد البوستة وتخرج!

عبد المنطلب (في حدة): أنا أخش أتخن أودة تعجيني. أنا بصفتي أكبر موظف هنا

بعد الدكتور أخش مطرح ما أخش ... وأخش في عينيك دول كمان!

سالم: مفيش حاجة اسمها أكبر متوظف وأصغر متوظف!

عبد المطلب: بقى اسمع يا واد يا سالم، وشرفي إن ما كنت تلايمها وتبطل العنطرة
وقلّة الحيا ما اسكت عن رنك عريضة في حرك!

سالم: عريضة؟ اكتب ياخويا ستين عريضة في بعض! ... حاتقول إيه؟ حرامي؟
مرتشي؟ قمرتي؟ زمتي مفهومة عند الناس كلها! (يلتفت إلى الفلاحين) يا عيان انت وهوّه
أحدثت منكم قرش؟

الجميع: لأ (ينطقونها: لَع)!

سالم (يستأنف): غاية ما هناك اني أحب الحظ شوية!

عبد المطلب: شوية؟!

سالم: زي بعضه ... وماله؟ لكن أنا اعرف أقول لشنودة الصراف يهفك عريضة
تطيرك من «تلا» ل «إدفو»!

عبد المطلب (في قلق): تقول إيه؟!

سالم: أقول حاجات مفهومة. أنا واخذ بالي، طيب مش حمار! أقول إن حضرتك فشر
دلال المساحة وصراف المديرية، ضارب مهيات شهرية على العطارين، وأصحاب البوظ،
والخضرية؛ بصفة إن منك كاتب صحة، ومعاون محلات، ومفتش مأكولات.

عبد المطلب (وهو يلقي نظرة سريعة على الحاضرين): وبعدين يا سالم؟

سالم: وأقول إنك كل ليلة تتجمع انت على كاتب ظبط المركز، على معاون راحات
المحطة، على مخزنجي السباح الكيماوي، وتقعّدوا طول الليل في المخزن تلعبوا القمار على
نور اللمبة نمرة خمسة، ومن قيمة ليلتين مسكتم في خناق بعض؛ علشان ورقة، وانكسرت
بلا قافية اللمبة، وكانت حاتشيل حريقة في المخزن!

عبد المطلب: اختشي يا سالم يا «تلاوي» ... الأهالي واقفة!

سالم: ما يهمنيش؟

عبد المطلب (في رجاء وعتب): يخلصك تقول الكلام ده قدام الأهالي؟!

سالم: أيوه كده أمال صلح «نهاوند» بالعجل! حاكم انت من غير مؤاخذا لسانك

زفر!

عبد المطلب: أنا اللي لسانني زفر؟

سالم: ما اعرفش بقى زفر، نضيف! ... أنا مش حكيم!

عبد المطلب: يخونك يا سالم العيش والطرشي اللي تقعد تقزقز فيه عندي، وانت
بتسمع اسطوانات منيرة وسومة وعبد الوهاب ... وتقول أه، وبك مليان وتحدف طاقيتك
في الأرض!

سالم: ما حدث له فضل عليّ! ... إنت راخر تخونك القراقيش!
عبد المطلب: مش ناكر. (يغير لهجته فجأة) على فكرة يا سالم ... عندي خبر رايح يطير عقلك تمام!

سالم (في لهفة): الاسطوانات الجديدة جات لك من مصر؟
عبد المطلب: أسطوانات إيه؟ ... أكثر من كده ... قوي ... قوي ... وأعجب من كده كثير! ... خبر ما سمعتوش! (الحرمة تعود إلى التوسل).

الحرمة: إمتى بس الغيار يا حضرة الصحة؟
سالم: اسكتي يا حرمة، لما نشوف الخبر العجيب!
عبد المطلب (لسالم): إنت كنت فين ليلة امبارح؟
سالم (ناظرًا إليه): كنت سهران عند الخواجة جبور الأجزبي!
عبد المطلب: نص عمرك راح!
سالم: ليه؟

عبد المطلب: عارف سومة، اللي بنسمعها في الفونوغراف؟
سالم: مالها؟

عبد المطلب: كانت هنا ليلة امبارح!

سالم: بلاش كذب!

عبد المطلب: وشرفك!

سالم: احلف كده بشرف أمك!

عبد المطلب: وشرف أمي، غنت للصبح في سراية عيسوي بك!

سالم (في دهشة): سومة اللي في الماكنة؟

عبد المطلب: أي سومة اللي اسطواناتها في الماكنة!

سالم: اللي مرسومة على علبة الإبر؟

عبد المطلب: وهو فيه ألف سومة في مصر؟

سالم: كانت هنا في تلا؟

عبد المطلب: إنت مش فاهم عربي؟ بقول لك كانت في سراية عيسوي بك!

سالم (بعد لحظة تأمل): والناس شافوها؟

عبد المطلب: ناس مخصوصين!

سالم: وجنسها إيه؟

عبد المطلب: جنسها إيه إزاي؟

سالم (حالمًا): هلبت دي حاجة مخلوقة من النور!

عبد المطلب: شوف بقى سومة كلها اللي ما فيش مثلها في الدنيا!

سالم (بعد لحظة): وغنت؟

عبد المطلب: للصبح! والدكتور بتاعنا كان هناك، أمال هو تأخر عن المكتب النهارده

ليه؟! وناس كبار كانوا في السراية معزومين. البك المأمور، وكبار الموظفين والأعيان ذوي
الحيثية في البلد.

سالم: وانت كنت معزوم؟

عبد المطلب: طبعًا!

سالم: كويس خالص! ما فضلش هلفوت غيري أنا بقى؟ أنا يعني اللي مش من زوا

الحيثية في البلد!

عبد المطلب: أه يا سالم لو كنت شففتها ساعة ما قالت: «اللي حبك يا هناه.» أحسن

طربوش بقى ينحدف تحت رجليها!

سالم (ينظر إلى طربوش عبد المطلب): يعني طربوشك مش مطبق!

عبد المطلب (يلخلع طربوشه وينظر إليه): لازم وقع فوق المخده الحرير، اللي كانت

دايسة عليها!

سالم: وكانت دايسة على حرير؟

عبد المطلب: أمال يا بارد عايزها تدوس على قزاز!

سالم (لنفسه): يادي الخسارة!

عبد المطلب: معلوم! دي كانت ليلة من الجنة! ليلة لا تحسب من العمر. من فينا كان

يتصور انه يعيش، ويشوف سومة عن قرب، في ليلة زي دي! بس لجل احنا موعودين!

سالم (في ثورة): نص عمري راح في شربة ميه يا مسلمين، ولا فيش بني آدم يعشق

النبي ويديني خبر؟

عبد المطلب: هدِّي خلقك! حد عارف انت كنت فين؟!

سالم: يخرب بيتك يا جبور! كان مالي أنا ومال الخواجات، وسهر الأجزاجات؟!

عبد المطلب: علشان آخر الليل يشوفك بكاسين عرقي عند طناشي البقال!

سالم: يا خلق هو! هم اللي اختشوا ماتوا؟! هي مفيش إنسانية، ولا مروة في البلد؟!

تبقى يا سي عبد المطلب عارف ليلة زي دي ولا تقولليش؟

عبد المطلب: أصل المسألة جت فجأة ... الست كانت مسافرة على البر من اسكندرية
لمصر، وعطل منها الأتومبيل، عند بركة السبع، وحيث ان عيسوي بك من معارفها اتكلموا
في التليفون، قام عيسوي بك ورجالته على بركة السبع، واستقبلوها!

سالم: وموجودة لسه في البلد؟

عبد المطلب: مسافرة دلوقت!

سالم (يتحرّك بسرعة): الحمد لله!

عبد المطلب (يمسك به): جرى إيه يا سالم، على فين؟

سالم (يتملّص): سبني!

عبد المطلب: رايح فين؟

سالم: أشوفها بس من بعيد ... جنسها إيه!

عبد المطلب: طوّل بالك!

سالم: ما تعطلنيش اعمل معروف. انت مفيش منك غير الخساير.

عبد المطلب: مش مسافرة دلوقت!

سالم (يقف): إيش عرفك؟

عبد المطلب: أوتومبيلها لسه مكسور على السكة الزراعية، وقام له الصبح سواق

عيسوي بك.

سالم: يعني ما اروحش دلوقت!

عبد المطلب: مفيش فايده!

سالم: واشوفها إمتى؟

عبد المطلب: ساعة ما تيجي مسافرة بأوتومبيلها، حاتلاقي البلد كلها هاصت وطلعت

تتفرج.

(لحظة صمت.)

سالم: إنت بقى يعني شفتها من قريب؟

عبد المطلب: يا سلام! جمال إيه ده؟!

سالم: وسمعت صوتها من قريب؟

عبد المطلب: يا سلام! ما تفكرنيش!

سالم: كويس خالص! والدكتور راخر سمع وشاف؟

عبد المطلب: طبعا. ودي عايضة كلام؟! سمعها وشافها وكلمها!

سالم: وكان معاها تخت؟

عبد المطلب: لأ. التخت بتاعها في مصر. ما كانش معاها غير الملحن بتاعها وزكريا، وسامي الشاعر اللي بيكتب لها الطقايط والأدوار. والمعلم طوية متعهد الحفلات.

سالم: بس؟!

عبد المطلب: إنما سمع صحيح! تخت إيه؟ هي محتاجة لتخت؟

سالم: وسهرتم كثير؟

عبد المطلب: للفجر!

(سالم يتنهّد.)

عبد المطلب: وتصور بعد سهرة زي دي، قال أروح بيتنا ألاقي مراتي فاتحة حلقها، وعازية تنصب لي مولد! ... أقول لك الحق دمّي فار، رحت شاكمها طيرت لها سنّتين!

سالم: من طقم اسنانها؟

عبد المطلب: يا ترى، كلام في سرك، مرأة الدكتور حاتعمل له إيه، وأنا قمت وسبّته

لسه قاعد هناك؟!

سالم (يتنهّد في ألم): أنا اللي وضعت وضعت والسلام من دون الخلق!

عبد المطلب (باسمًا): صحتك!

سالم: قال في ليلة زي دي أسهر عند الخواجة جبور، يقول لي «شو بتحكي مندبل الحلو عم بيطرف نن عيني» ... واقعد أخش له من مذهب، واطلع على دور، لما طلع مذهببي!

(عبد المطلب يضحك.)

سالم (ينظر إليه شزرًا): بتضحك!

عبد المطلب: الغرض. يمكن يكون لك قسمة يوم وتسمعها! (ثم يتحرك للخروج.)

سالم (بلهفة): فين؟

عبد المطلب (خارجًا): في الأسطوانات الجديدة! (يخرج.)

(لحظة صمت. سالم يُطرق في حزن وألم.)

الفلاح الأول: صرح لنا بقى بالدفن يا سيدنا الافندي. خَلينا نطلع بالرجال!

أهل الفن

سالم (يصيح في ضيق غير مُتمالك أعصابه): أنا اللي مُتّ واندفنت!
الفلاح الأول: طب ادفن لنا الراجل ده راخر، اعمل معروف ينوبك ثواب!

(سالم ساهمًا لا يُجيب.)

الفلاح (في إلحاح): يا حضرة ما يصحش!

سالم (لنفسه صائحًا): آه ... أنا اللي اندفنت!

الفلاح: واشمعنا بس احنا اللي قاعدين من غير دفن؟!

سالم: أف!

الفلاح: يا حضرة الصحة ادفنًا!

سالم (ثائرًا): يعني شايف مزاجي رايق دلوقت علشان دفنك؟!

(لحظة صمت، ويذهب سالم إلى المكتب وهو مُطرق.)

(وتدخل بعد لحظة خادمة حبشية سن ١٥.)

الخادمة الحبشية: عم سالم!

سالم (يرفع رأسه إليها): عايزة إيه انت رخره؟

الخادمة: تعالى كلم ستي!

سالم (يدير وجهه عنها): مش فاضي!

الخادمة: ستي بتقول لك هات الزمارة بتاعتك، وتعالى علشان عندنا ضيوف!

سالم (ناظرًا إلى الخادمة شزيرًا): ما شاء الله!

الخادمة: يعني جاي والّا مش جاي؟

سالم: غرض حضرتمكم أسيب الصحة، والتليفون، وأنفار الكشف، والغيار، وأروح

أسلي الضيوف؟!

الخادمة: وماله؟ ما انت كل يوم بتسيب الأنفار والغيار وتقوم تجري ما تصدق حد

يقول لك زمر، إيش عجب النهارده؟!

سالم: كيفي كده النهارده!

الخادمة: بعدين ستي تزعل. عندها مرآة المأمور، وعايزين يسمعوا «سبع سواقي»!

سالم: مفيش النهارده لا سبع سواقي ولا سبع جرادل!

الخادمة: والنبي بعدين ستي تقول لسيدي الدكتور لما يرجع!

سالم: يرجع منين؟

الخدمة: مش قام ليلة امبارح في حادثة ضرب نار؟

سالم: حادثة ضرب نار؟!

الخدمة: البك المأمور خبَّط علينا نص الليل، وقال ناحية كفر الشيخ سليم فيه واقعة

ضرب نار، وأخذ سيدي الدكتور وراح!

سالم: ضرب نار والأ ضرب عود، ما يهمنيش!

الخدمة: يعني مش ناوي تسمع الكلام يا عم سالم؟

سالم: إمشي يا بت من هنا، ما تفوريش دمي أكثر ماهو فاير، ألا أقوم أقايس واكسر

لك مفاتيح ضبُّك الوحش!

الخدمة: يا باي! ... طب والنبي إن ما جيت وسمعت كلام ستي ما ألا يكون يومك

النهارده يوم مقندل!

سالم: أه يا وش القرد ... يا صبغة الیود!

الخدمة: أه يا زمار!

سالم (ينتفض): بتقولي إيه؟

الخدمة (تشير بأصابعها على فمها مقلدة المزمار): لُو ... لُو ... لُو ... لُو ...

سالم (كاظماً): إختشي يا بت!

الخدمة: يالي بتزمر بشوية قراقيش!

سالم (يلتفت إلى الفلاحين والفلاحات أمامه): شاهدين؟ وشرف أمك ما أنا فايتك!

امسكوها يا أولاد.

الخدمة (تجري): أي ... يا دهوتي!

سالم (صائحاً): حلقوا عليها ... امسكها يا عيان!

الخدمة (تصرخ وتهرب ممن يُريد مسكها): يا خرايبي! ... يا دهوتي!

(الدكتور يدخل مُقابلاً الخدمة المُستغيثة، والمرضى يُحاولون القبض عليها.)

الدكتور: إيه ده؟ جرى إيه الهيجان ده؟

الخدمة: الحقني يا سيدي! ... مُت! ... عم سالم عاوز يموتني!

الدكتور (لسالم): دي مش صحة أبداً ... واللي يقول كده كدّاب ... دا مُستشفى

مهابل! ... إنت يا سي سالم عامل لي هنا مرستان؟

أهل الفن

سالم: بتقول لي يا زمار!

الدكتور: وإيه يعني؟

الخدمة: كداب في أصل وشه!

الدكتور (للخدمة): امشي يا بنت رُوحي!

(الخدمة تخرج.)

سالم: زمار؟ وهو ابوها اللي كان كاتب في بوظة؟

الدكتور: بس. اقصر بقى الكلام الفاضي اللي انت فالح فيه. اسمع أما أقول لك. أولًا اكنس لي المواشي دي من هنا بسرعة! ألف مرة أقول لك الأودة بتاعتي مش زريبة تدخل فيها الأهالي بوسخهم وقملهم وقرفهم! ... ياالله بسرعة فيه ناس جاية دلوقت هنا تتفرج!

سالم (باهتمام): ناس مين؟

الدكتور: مش شأنك. نضف الصحة بسرعة!

الحرمة: يا حضرة الدكتور الكبير!

سالم (يدفعها إلى الخارج مع بقية الفلاحين): هس على بره ... على بره ... على بره!
الدكتور (يشمر أكمامه ويتجه إلى الطشت المعلق والحنفية بالجدار): الله! ... فين الميه؟ الحنفية فارغة! أنا مش قايل لك يا سي سالم، أول ما تصطبِح تَملا الفنتاس؟ الزير فيه ميه، والسقا ببيجي في ميعاده؟

سالم: وأنا كنت فاضي؟ ... مش قاعد من الصبح أغير لأنفار الغيار؟

الدكتور: قبل الغيار، ليه ما شفتش الحنفية بمجرد ما جيت؟

سالم: ؟

الدكتور: انكتمت ليه؟ ... ما ترد!

سالم (في صوت خافت): نسيت!

الدكتور: نسيت؟ دايمًا تنسى، أنا والله مش فاهم اللي دايمًا ينسى ده يقعد يعمل ايه

في الدنيا؟

سالم (في صوت خافت): صدقت!

الدكتور: ناولني بقى القلّة والسلام، أغسل وشي!

سالم (في دهشة): تغسل ... وش مين؟

الدكتور: وش مين اِزاي؟ ... وشي أنا، فيه وش تاني هنا؟

سالم (في تردد): حضرتك ... مش غسلت وشك الصبح في البيت؟
الدكتور (في حيرة): في البيت ... آه ... أصل أنا بقى ... أقول لك الحق نسيت.
سالم (في ابتسامة خفيفة خبيثة): نسيت حضرتك تغسل وشك؟
الدكتور (مُنْتَهراً): أيوه نسيت ... جرى إليه بقى يعني في الدنيا؟
سالم (في أدب): لا ولا حاجة. أنا قلت جرى حاجة!

(يذهب ويحضر القلّة من الشباك.)

الدكتور (الصابون في وجهه وعيناه مُغمضتان يمدّ يده): صُب بلاش قلة أدب!
سالم (يحتج): أنا مش قليل الأدب، أنا حاكم أفهمها وهي طيارة. حضرتك ماغسلتش
وشك في البيت علشان كنت سهران!

الدكتور (يرفع رأسه فجأة ويفتح عينيه في الصابون): أنا؟ سهران فين؟
سالم (مُستدرّكاً في خبث): غرضي يعني في واقعة ... واقعة ضرب نار ناحية كفر
الشيخ سليم!

الدكتور: آه ... أيوه تمام ... تمام!
سالم (في خبث): مش كده؟ حضرتك بس نسيت!
الدكتور: أيوه صحيح نسيت ...
سالم: آه ... حاكم بقى الي دايمًا ينسى.
الدكتور: وانت إيش عرفك إني كنت في واقعة ناحية كفر الشيخ سليم؟
سالم: أمال إحنا قاعدين هنا نلعب؟ مش الصبح جات إشارة تليفونية من كفر
الشيخ سليم، بأن الدكتور لسه ما وصلش لتشريح جثة قتيل!؟

الدكتور (كالمخاطب لنفسه): بتقول إليه يا سالم؟ إشارة تليفونية؟
سالم: أمال إليه؟ ورديت وقلت لهم الدكتور قام هو وحضرة المأمور من قيمة ساعة
... مش حضرتك قمت مع حضرة المأمور؟

الدكتور: قمت فين؟ خبرك اسود! (يستدرك) أيوه طبغًا قمت!
سالم: أنا بردّه قلت لهم كده!
الدكتور: والقتيل ده كان ... الليلة؟
سالم: مش حضرتك شرحت جتته؟
الدكتور: آه ... طبغًا!
سالم (في خبث): طبغًا!

الدكتور: والإشارة جت إمتى؟

سالم: بقول لحضرتك الصبح!

الدكتور (مفكرًا): قتيل ... من عيار ناري؟

سالم (في خبث): حضرتك أدرى!

الدكتور: أيوه ... طبعًا ... طبعًا ... روح انت بقى تَمِّم برّه على أنفار الكشف.

سالم: نسيت أقول للدكتور خبر مُهم!

الدكتور: إيه كمان؟

سالم: عيسوي بك، بعث يعزم حضرتك في السراية، علشان تسمع الست سومة بتاعة

مصر!

الدكتور (في اندفاع): عارف ... حصل ما أنا ... الغرض يعني إمتى الكلام ده؟

سالم: إمبراح! وعزموا كمان عبد المنطلب أفندي.

الدكتور: مين اللي قال لك عزموا عبد المطلب؟

سالم: هو بيقول إنه كان معزوم!

الدكتور: كدّاب. دا كان واقف على الباب الكبير مع الأغوات والسواقين.

سالم: حضرتك شُفته؟

الدكتور: قصدي يعني لمحته، وانا مارر بالصدفة قدام السراية!

سالم: بقى ماكانش معزوم جوّه مع زوّا الحيثية في البلد، وبقى يرمي طربوشه ...

الدكتور: يرمي طربوشه بره في الجرن ... معلّش!

سالم: على المخده الحرير.

الدكتور: دي كانت ليلة خصوصية، ما فيش معازيم ولا شيء أبدًا! كل الموجودين

عبارة عن سبع أشخاص!

سالم (في خبث): و حضرتك شفتم سبعة و انت مارر بالصدفة من قدام السراية؟

الدكتور: طبعًا! ... يعني قصدي ... الغرض امشي انجر من هنا قليل الحيا!

سالم (يتحرك للخروج): الحق عليّ. غلّطت!

الدكتور: إيش دَخَلك انت في مسائل زي دي؟ أنا مش ملزوم أقول لك على أسراري

الخصوصية ... مابقاش الأ كده!

(يسمع صوت بوق أوتومبيل، في الخارج.)

سالم (صائحًا): «الكومبيل»!

الدكتور (في لهفة): أيوه أهم جم. اسمع يا سالم ... بسرعة دَخَل الأهالي أودة المخزن واقفل عليهم ... مش عايزين جنس نفر وسخ في الصالة، اعمل معروف يا سالم ... اسعفني بحُسن تصرفاتك!

(سالم يخرج مُسرَّعاً وهو ينتفض فرحاً وانفعالاً.)

(الدكتور يُرتب هندامه بسرعة ويقف مُستعداً في موقفٍ مصطنع.)

(تدخل سومة، وحولها عيسوي بك وسامي وزكريا والمعلم طوبة، والمأمور وسالم خلفهم.)

الدكتور (يُهرع إليهم): أهلاً ... وسهلاً ... أهلاً ... أهلاً.
سومة: أنا قلت لازم أودِّعك قبل ما أروح مصر ... وإيديني جيت يا دكتور حسب الوعد!

الدكتور: مُتشكَّر خالص وممنون اللي تنازلتِ، الصحة نورت وتشرفت بالزيارة ... قهوة يا سالم!

سامي (يلتفت إلى أنحاء المكان): دي الصحة؟
الدكتور: شيء على قد الحال. صحة أرياف طبعاً، مفيش استعداد ولا نضافة!
عيسوي بك: أنا قلت لك يا دكتور خابر المصلحة وأنا أبيض لك الحيطان بالمصيص، وأدهنها لك بوية بالزيت!

سومة: البيت ده ملكك يا عيسوي؟

المأمور: البلد كلها تقريباً ملك عيسوي بك!

عيسوي (للمعلم طوبة وزكريا، اللذين ينظران إلى مقياس النظر في ركن الحجرة):
ما تقرب هنا يا أستاذ زكريا ... وانت يا معلم طوبة، بتعمل إيه عندك؟ تعال أهو الدكتور موجود يكشف عليك (للدكتور) بعد انت ما سبتنا يا دكتور في الغيط، المعلم طوبة خاف يركب الحصان، قُمتنا جينا له جحشة، وطلعت في دماغه قال يسابق الأستاذ زكريا، راح متشقلب من فوق الجحشة وقع في المصرف! (الجميع يضحكون.)

زكريا: قول الحمد لله المصرف كان ناشف، ولو كان فيه شبر ميه، كان طوبة غرق!
... حاكم ده ما يعومش، وخيبته ثقيلة!

سومة (ضاحكة): أما يا دكتور ضحكنا ضحك!

أهل الفن

طوبة: وماله؟ حاكم ما يقعش إلا الشاطر.

الدكتور (ضاحكاً): والأستاذ زكريا؟

زكريا: زكريا، دا خيبان ما وقعش!

المأمور: إنتم بتعملوا إيه عندكم؟

زكريا: بامتحن نظره.

الدكتور وسومة: وطلع إيه؟

زكريا: طلع شُركُ بالجوز! وأنا اللي مش عاجبه طلعت صاغ سليم!

طوبة (يشير إلى المقياس): الميزان ده مغشوش!

زكريا والجميع (ضاحكين): دا مقياس الصحة!

سومة (ضاحكة): الحقيقة ان طوبة أمره معروف. هو مسكين بيقدر يقرأ الإعلانات

الكبيرة على الحيطان أيام الحفلات؟ (تلفت إلى سامي بقربها) مش كده يا سامي؟

سامي (في فتور): ما اعرفش!

(سومة تطرق في امتعاض.)

طوبة: كلام إيه ده يا ست؟ بقى زكريا ده يطلع عنده نظره؟ بقى أنا أكذب عيني

دول اللي وسع الفناجين، وأصدق الميزان الخرفان ده؟

سالم (بالباب): سي الدكتور! ... سي الدكتور!

الدكتور (في قلق): إيه؟ خبر إيه؟

سالم (يهمس): خبر مهم!

الدكتور (يتجّه إلى الباب قلقاً): قول بسرعة!

سالم (في شبه همس): خلي الست تغني مؤال!

الدكتور: دا الخبر المهم؟

سالم: وألا تقول «اللي حيك يا هناه»!

الدكتور: ما شاء الله! ... دي القهوة اللي قلت لك هاتها بالعجل؟!

سالم (هامساً): ما عندناش فناجين تقضي، بيت البك المأمور قريب بعتنا نشحت

فناجين!

الدكتور: هس، وطّي صوتك. (يلمح عبد المطلب، خلف الباب بدون طربوش وجاكتة)

وانت بتعمل إيه عندك يا عبد المطلب أفندي؟

في الريف

عبد المطلب: بس ... عايز آجي أورد البوستة.
الدكتور: استذوق شوية! ... مش وقته (يعود الدكتور إلى ضيوفه الذين يتكلمون، ويضحكون فيما بينهم)، شرفتنا وشرفت تلا يا ست سومة!

سامي: يالله بينا بقى!

سومة: زهقت قوام يا سامي؟ طيب يالله بينا!

الدكتور: قبل ما تشربوا القهوة؟ ما يصحش.

زكريا: وحانروح ازأي؟ أوتوموبيل الست لسه عطلان على السكة الزراعية!

طوبة: يعني عجبك الأرياف قوي يا سي زكريا، علشان ما عرفت تركب لك حصان!

عيسوي: إن كنت شاطر يا أستاذ زكريا تقنع الست تشرفنا كمان ليلة ... يجرى

إيه؟

طوبة: لأ اعمل معروف يا بك! ... يستحيل الكلام ده! ... الست مطلوبة في مصر

الليلة!

سومة: صحيح ضروري أروح مصر دلوقت!

عيسوي: حيث كده بقى «الباكار» بتاعتي توصلك. من حسن حظي إنها لسة جديدة،

مستلمها من ثلاث أيام، ولا طلعتش بها لسه. مش عارف بقى إذا كانت تعجبك؟

طوبة: تعجبنا قوي!

سومة (في احتجاج وتعنيف): طوبة؟ لا يا عيسوي بك! مرسي أنا ما أقدرش!

سامي: إحنا مسافرين في الوابور!

سومة: أيوه نساfer في الوابور. المحطة قريبة من هنا ... (تلقت إلى النافذة حيث

يظهر سيمافور القطار.)

عيسوي: أنا ما كنتش أعتقد إنك تكسفيني في حاجة زهيدة زي دي!

سومة: مش قصدي!

عيسوي: على كل حال دي معاملة ما كنتش أنتظرها!

سومة: وإيه رأيك إذا كان أوتوموبيلي اتصلح؟ مش معقول إنه لسه عطلان لدلوقت،

إذا كنا نقدر نبعث خبر للشوفير؟

المأمور: نبعث حالاً صف ضابط يقوم لبركة السبع.

سومة (تشير إلى التليفون): أو بالتليفون!

عيسوي: وزعلي بقى ما تحسبيلوش حساب؟!

سومة: والله يا عيسوي!

(عندئذٍ يدخل سالم حاملاً صينية عظيمة عليها فناجين قهوة بعدد الحاضرين، ولكنها بلونين مختلفين من طقمين، ثم صحن قراقيش كبير وأكواب ماء، ويدخل سالم مزهوًا، شامخ الأنف بالصينية الكثيرة الألوان في نظره، ويتقدّم أولاً في خطوات مضطربة.)

الدكتور (لسالم): قَرَّب ... (ينظر في الصينية ويقول خافتًا) إيه ده؟ قراقيش؟ (خافتًا في إعجاب) عال يا سالم. أهو ده حسن تصرف. إنت بدّعت النهارده!
سالم (يتقدّم نحو سومة بالصينية رافع الرأس): اتفضلي!
سومة: كل ده؟ لا ما أقدرش، متشكرة خالص، إحنا لسه فاطرين عند عيسوي بك!
سالم: ده مش أكل يا ست؟ دي قراقيش!
سومة: أشكرك! إديني بس فنجان قهوة!
الدكتور: دي حاجة خفيفة سهلة الهضم، يا ست سومة!
سالم: حاجة مفتخرة، من اللي تبوش في الحنك!
الدكتور (خافتًا مُنتهراً سالم): اسكت انت، بلاش تقريظ!
سالم (يتناول فنجان قهوة بيدٍ، والصينية باليد الأخرى، ويُقدّم الفنجان لسومة):
دي معجونة بلبن رايب! دا نهارنا يا ست النهارده زي اللبن!

(وعندئذٍ يسقط الفنجان من يده على سومة، ويتلطّخ معطفها فتنهض في الحال، وينهض الحاضرون في حيرة وارتباك، ويختل النظام ويصفّر وجه سالم ويسود.)

الدكتور (حانقًا): نهارك زي القطران! أوّدي وشي فين دلوقت؟
سالم (يلطم خديّه): أوّدي وشي أنا فين دلوقت يا خلق هو؟
سومة (باسمة): حصل خير!
المأمور، عيسوي، طوبة، زكريا (لسالم): هات فوطة نضيفة بالعجل!
سالم (يتحرك مُرتبكًا بسرعة): فوطة وش والأ فوطة حمام؟
الدكتور: أنا متأسف يا ست سومة.
المأمور (لسومة): أظن الأحسن تقلعي المانتو، واحنا نشوف له طريقة ... (سومة تقلع المانتو وتسلّمه لهم.)

عيسوي (لطوبة وزكريا): يالله نطلع ننشره في الشمس!
زكريا (ينظر حوله): دا فيه صابونة وحنفية هنا ... هاته يا طوبة تحت الحنفية.
(يذهبان إلى الحنفية في صهريج الحائط.)
طوبة (يفتح الحنفية): الحنفية عندها زنقة ميه!
الدكتور (يتنبه): الله يلعنه الواد سالم، نسي يملا الفنتاس!
زكريا: كمان!
طوبة (في تهكم): يا بختك بسالم ده يا دكتور!
عيسوي: أحسن طريقة نمسح المانتو بشوية بنزين من الأوتومبيل، تعالوا ... هات
يا طوبة المانتو وتعال ورايا انت وهوه!

(الجميع يخرجون بالمانتو ما عدا سامي الذي لم يتحرك من دون الجميع،
لحادث المانتو ولا لغيره.)

سومة (لسامي): مسكين التمرجي اتوهم!
سامي (في برود): آه!
سومة: مش واخذ بالك يا سامي؟
سامي (في فتور): لأ.
سومة: مالك؟ إنت كل ما تشوف واحد يعاملني بلطف تبوز؟ عيسوي ده أنا أعرفه
من زمان، مش بس امبارح، أحوالك دي مش عاجباني، ما كانش يصح أبداً تسبب المجلس
الليلة وتقوم تنام ... بعدين نتحاسب على ده كله، هنا مش وقت كلام!
سامي: مش عايز أسمع من حضرتك كلام!
سومة: أشكرك!
سامي (بعد لحظة): عيسوي بتاعك ده دمه ثقيل!
سومة: على قلبك انت بس!
سامي: أيوه قلبي أنا بس. قلبي اللي خرج منه الشعر والأغاني اللي عملتك ملكة
طرب، لك تاج وعرش ورعية. مش قلب عيسوي، ولا قلب عمر، قلبي أنا.
سومة: النبي تسكت بقي، فلقنتني بقلبك!
سامي: أشكرك!
سومة (بعد لحظة): يعني بتكافئني يا سامي، على معاملتي لك، وشفتني عليك المدة
دي كلها!

سامي: شفقتك؟ ... كفاية! مش عايز أسمع حاجة بقى. قُلتها في وشي وبس.

سومة: هيّ إيه؟

سامي: كل ده كان شفقة؟

سومة: طبعا.

سامي: آدي الي كنت خايف منه!

سومة: كنت خايف من إيه؟

سامي: خايف يكون حُبك ليّ شفقة عليّ.

سومة (تنصت إلى الخارج): هس!

(يسمع في الخارج بالردهة صوت لغط وشجار.)

الدكتور (في الخارج في همس مسموع وفي حدة مكتومة): إنت واحد تسوّد الوش.

إنت ما تنفّعش في حاجة. إنت مش بتاع شغل!

سالم (في الخارج): أصلي كنت خايف على فناجين البك المأمور!

الدكتور: اخرس، وطّي صوتك!

سالم: الحقيقة أني لبّخت والسلام، وختمتها ختام زفت. قسمتي كده أعمل إيه؟ إذا

كنت زعلان قيراط أنا زعلان أربعة وعشرين، هو كان عشمي يحصل مني كده مع الست

سومة كلها؟ فصل يستحق الشنق. أجيّب لك حبل من المخزن تشنقني واخلص؟!

(سومة تبتسم. ويستمر اللّغط ثم يدخل عيسوي والمأمور، وجميع من خرجوا،

وكذلك الدكتور، وخلفه سالم.)

الدكتور (لسالم بصوت مسموع): طول ما انت عامل زمار مش نافع!

سالم (في غضب): أول هام ماتقولشي زمار!

الدكتور: أمال أقول إيه؟ مطرب! امشي اطلع برّه! (سالم يخرج.)

المأمور: سالم ده أحسن واحد في البلد، يضرب على الأرغول والناي!

عيسوي: مش سالم ده؟ طبعا ده مشهور قوي في تلا!

سومة: صحيح يا دكتور؟

الدكتور: أهو بيهجص، ولو كان حكيم صحة غيري هنا، كان تسبب في رفته من

زمان. دا عامناول عشق واحدة غزية عجرية، من اللي ترقص على الغاب، وطلعت في دماغه

راح سايب الصحة والشغل، وطفش وراها، وفضلنا نبحت عنه أسبوع، وانا مش راضي
أبلغ عنه، خوفًا على مستقبله، وأخيرًا ما نشعر إلاّ وده راجع لنا داقق اسمها على دراعه!

(سومة تضحك مسرورة.)

الدكتور: والسنة دي، كان رايح يموت لي واحد!

الجميع: إزاي؟

الدكتور: بقى حضرته يسهر طول الليل، وينام طول النهار، وفي يوم كنت أعمل
عملية ترنبه لواحد، ووقفت سالم بالبنج، وقلت له: خُد بالك، إوعى يسهى عليك، وتعطي
له بنج درجة تالته، اللي بعده على طول الموت. قال لي ما تخافش. وفعلاً ارتكنت عليه،
وانشغلت في العملية، مش واخذ بالي، وما أشعر إلاّ والعيان لونه يزرُق شوية بشوية،
والتفت لقيت سالم واقف نايم على روحه، يشخر، وإيده كابسة بالبنج آخر درجة على
نفس العيان. ساعتها انغظت، قمت ضاربه بالقلم فاق من النوم، وأقسمت بعدها إنه ما
يقفش معاه في عملية أبدًا.

المأمور: هو ما له ومال كده. هو يقف معاك في زفة! (لسومة) الست سومة طبعا ما
سمعتس ضربه على الأرغول! ... والله مش بطال أبدًا.

سومة: صحيح؟

عيسوي: مفيش فرح في البلد ما يسهرش فيه سالم!

طوبة: عجيبه! الواد التمرجي ده اللي دلِق القهوة؟!

زكريا: تمرجي ومُطرب!

طوبة: يعني زي قولة حانوتي ومطرب!

سومة (تضحك): أنا أحب أسمعه!

الدكتور: تسمعي إيه؟ ... دا أرغول ريفي، على قد عقل الفلاحين.

(في هذه اللحظة، يُسمَع من خارج باب القاعة صوت مزمار يعلو بأنغام موال.)

طوبة (صائحًا): الله ... الله! ... الله يشفيك يا سي سالم! (الزمار يستمر بلا انقطاع.)

زكريا (صائحًا): يا بخت ... يا بخت اللي مش هنا!

(ضحك من الجميع.)

الدكتور (يتجه إلى الباب): اسكت بقى يا واد انت ... اسكت بقى بلاش كسوف!

أهل الفن

سالم (يظهر بالباب حاملاً الأريغول): أسمع الست؟

طوبية: الله يحزن عليك!

الدكتور: تسمعها إيه؟ ... إنت مجنون؟ امشي روح شوف شغلك، عندك العيانيين غير

لهم!

سالم: الموال اللي فات ده بطال؟ فيه أحسن منه.

زكريا: لأ، روح للعيانيين أحسن!

سومة: بزيادة بقى، حرام، مش عايزة حد يكسفه!

الدكتور (لسالم): واقف ليه؟ ... روح لشغلك ... الأنفاز قلقت برة!

سالم: علشان خاطر الست!

الدكتور: الست مش عايزة تسمع كلام فارغ!

سالم: بلاش. أنا خدّامها. (يتحرك بالانصراف.)

سومة: يا دكتور، مين قال أنا مش عايزة أسمع؟!

زكريا (في همس): آهو كان رحل ... اعلمي فينا معروف!

سومة: اسكت! (للدكتور) خي التمرجي بتاعك يدخل هنا يسمعنا يا دكتور!

طوبية: يا ساتر! عشنا وسمعنا تمارجية!

سومة (في أمر صارم): ما حدش يتكلم أبداً.

الدكتور (لسالم): ادخل يا سالم!

(سالم يدخل مُضطرباً هذه المرة خجولاً يتعثر والمزمار بيده.)

سومة (متلاطفة ورقيقة): قُل لنا بقى يا سالم!

(سالم يقف ويرتج عليه.)

الدكتور (نافد الصبر): ما تقول!

سالم (يتنحج): أقول ... إيه؟

سومة: اللي يعجبك ... كله كويس.

سالم (يفكر): أقول موال؟

سومة: قول موال.

سالم (يفكر): والأ أقول غنوة بلدي؟

سومة: قول غنوة بلدي!

سالم: غنوة إيه؟

سومة: اللي تعجبك!

سالم: والأ أقول موال؟

طوبة (همسًا): إنت يا ست مطولة بالك عليه قوي!

(سالم يتنحني ويقف وينظر إلى الجميع في خجل.)

الدكتور (نافد الصبر للغاية): وبعدين وياك؟!

المأمور: قول «منديل الحلو طرف عيني!»

سالم: عندي مواويل حُمر.

الدكتور (حانقًا صائحًا): حُمر والأ صُفر ... قول بقى ما تبقاش ابن كلب رزل!

سالم: ما تشتمنيش. ما لكش عليّ شتيمة أبدًا. إلزم مركزك!

الدكتور: بتقول إيه؟

سالم: أنا متوظف زيي زيك!

الدكتور (ينهض): إيه؟! إنت موظف زيي؟!

طوبة (لزكريا): آهي رايحة تقلب بغم!

سالم: معلوم! متوظف زيك تمام! اسمي واسمك بيطلعوا آخر الشهر سوا في كشف

الماهيات ... ماهيتي وماهيتك ٤٢ جنيه في الشهر!

المأمور (ضاحكًا يهدئ الدكتور): معلش رُوِّق دمك يا سالم، (للدكتور) ما تزعلش

منه يا دكتور ... دا «أرتست».

الدكتور: جرى له إيه؟! عمره ما تهور زي النهارده!

سومة: ما انت يا دكتور اللي شتمته قدامنا!

المأمور: علشان خاطر الست تصفح عنه يا دكتور، وخليه يسمعنا!

الدكتور (لسالم): طيب ... قول ... والسلام.

عيسوي: قول بقى يا سالم.

سالم: مزاجي اتلخبط خلاص!

زكريا (لنفسه): الحمد لله!

المأمور: قول علشان خاطر الست.

سالم: يا سلام! أنا أخدم الست برقبتي. أنا في دي الساعة! أنا في حلم والأ في علم! حد كان يصدق إنني كنت أعيش وأشوف الست اللي في الماكينة، واللي اسمها ملو الدنيا كلها! أشوفها بعيني، وبينني وبينها قيمة قصبة!
المأمور (وعيسوي معاً): وتسمعك!
سالم: قال وتسمعني؟ مش ممكن!
المأمور: الي حصل!
(لحظة صمت.)

سامي (في ضيق يلتفت إلى النافذة): يالله بينا بقى ... شيء يضايق!
سومة: أنا منتطرة الغنوة!
المأمور (لسالم): سامع؟ تشجع بقى!
عيسوي: يا سالم قول!
سومة (لسالم): تحب أشجعك الأول؟

(لا تنتظر جواباً، وفجأة تُغني بصوتها الرخيم أغنية «خايف يكون حبك ليّ شفقة عليّ.» وهي تنظر بطرف عيناها إلى سامي، المطرق المضطرب، ويقف سالم بأرغوله كالتمثال غير شاعر بنفسه. وبغير وعي يرفع أرغوله ويزمّر مُعقّباً بعدها.)

الحرمة (على رأس العيانيين، وأنفار الغيار يقتربون من الباب يستمعون): يا حضرة
الصحة!

الدكتور (يفيق من نشوة الطرب، ويلتفت إلى العيانيين): الله! اطرد العيانيين!
المأمور (باسماً): يا ترى زمان الأنفار بيقولوا إيه في عقل بالهم؟
سالم (يطرد المرضى بالباب): هس ... سمع ... سمع ... بره يا عيان انت وهو ...
سمع!

طوبة (همساً لذكرياً): خُد بالك ... قال ده اسمه بيسكّت عيانيين!
سالم (يعود إلى قرب سومة في حُزن وكآبة): والست مسافرة برده دلوقت حالاً؟
سومة (تنهض): طبعاً، دلوقت حالاً، إحنا بس حيينا نسمعك قبل ما نقوم. وسمعناك،
وانبسطنا قوي، وأنا متشكرة خالص ... يالله يا سامي!

الدكتور: الست سومة شرفت الصحة والبلد بزيارتها التاريخية دي، وإن شاء الله ما تكونش دي آخر زيارة.

المأمور وعيسوي (معًا): بالطبع. مش آخر زيارة!

سومة (تبتسم): بالتأكيد، المانتو بتاعي فين؟

الدكتور: سالم ... بالعجل المانتو بتاع الست.

عيسوي: المانتو بتاع الست، تحت في الشمس مع الشوفير!

الدكتور (لسالم الواقف بلا حراك): سالم، واقف كده ليه؟ ... روح بسرعة شوف المانتو.

(سالم يظل واقفًا مطرّقًا، ثم يرفع رأسه، ويُشير إلى الدكتور برأسه طالبًا أن يُسرَّ إليه أمرًا.)

عايز إيه؟ ... كلمة سر يعني؟ طيب قول! (يدنو منه ويُعطيه أذنه لحظة، ثم يصيح به): إنت مجنون؟!

سالم: بس اترجّها حضرتك، ومالكش دعوة!

الدكتور (في حدة): مُستحيل أقول كلام زي ده ... امشي هات المانتو!

سالم: مفيش بالطو!

المأمور: إيه الحكاية؟

الدكتور: الواد سالم اتجن. قال عايزني أترجّي له الست علشان تسفّره معاها!

زكريا وطوبة (معًا): الله أكبر!

(سامي ينظر إلى سالم مُحدّقًا.)

عيسوي: بصفة إيه؟

سالم (يتقدم): الصفة اللي تشوفوها يا سيدنا البك. أي شغلة والسلام عند الست!

المأمور: ووظيفتك؟

سالم: أستعفي حالاً في عرضكم!

سومة: إيه رأيك يا زكريا، تعلمه؟

زكريا: لأ، اعْملي معروف، ما ينفعناش!

سالم: أنفع يا سيدنا زكريا أبوس رجلك!

زكريا: تتعبنى من غير فايده. شغل التخت بتاعنا حاجة تانية بالمره!
سالم: طيب بلاش التخت. شغلوني شغلة تانية!
طوبه: حاضر ... لما نبقى نقفل الصالة ونفتح اسبتالية نبقى نجيبك.
سومة: مُتأكد يا زكريا إنه ما ينفعناش؟
زكريا: طبعًا ما ينفعناش. بس نجيب تمرجي من الصحة نَقَعْدُه على تخت صالة،
إيه المناسبة؟!

سومة (لسالم): أنا مُتأسفة خالص!
الدكتور: سامع يا سي سالم. اعقل بقى وروح شوف أشغالك، وراك عيانين تغير
لهم.

سالم (ثائرًا): ملعون أبو العيانين لأبو اللي يغير لهم. أنا يا خلق هوه مُت خلاص من
الشغل ده! ... يا ست هانم اشتريني من غير فلوس. أبوس مداك. شغليني مرمطون والأ
اصبغيني عبد تنتون!

سومة: إذا كان كده تقدر تشتغل مرمطون في أي بيت.
سالم: لأ، عندك بس!
سومة: ليه بقى؟
سالم: لأن أنا واحد ابن كار، لازم أعيش عند أهل الكار، عند ملكة الكار كله، في مصر
وبر الشام!

سومة: طيب تعالى!
سالم: آجي؟ صحيح؟ سامعين؟ شاهدين؟ (يصيح هاتقًا) يحيا العدل!
سومة (باسمة): بس روح أولًا شوف المانتوه!
سالم: حاضر ... فين هو البالطوه؟

(يخرج يجري.)

عيسوي (ضاحكًا): طار من الفرخ!
المأمور: زأطط!
الدكتور: والمجنون حايقوم دلوقت، قبل ما نخطر، وييجي البدل؟
المأمور: فضك! افرض إنه قام في أجازة مرضية!
زكريا (لسومة خافتًا): ورايحين نعمل به إيه ده يا ست سومة؟
سومة (همسًا): مش عارفة!

في الريف

(سالم يدخل بالمانتو يحمله على كفه في احترام.

عيسوي وكذلك الدكتور والمأمور يُسارعون فيتناولون المانتو ويلبسونه لسومة.)

سومة: مرسى. مين بقى يعطي خبر للأسطى إبراهيم الشوفير بتاعي؟
المأمور: الشوفير واقف بالأوتومبيل عند بركة السبع، نقدر نطلب من هنا نقطة بركة السبع حالاً!

الدكتور: اسمع يا سالم (يشير إلى التليفون) اطلب نقطة بركة السبع بسرعة!
سالم (في نشاطٍ عجيب وفرح يُمسك التليفون): حاضر. (يتكلم في التليفون) يا مركز تلا. يا مركز تلا. إنت مين؟! رد عليّ يا مركز!

المأمور: عامل التليفون بيلعب، قول له البك المأمور طالب السكة!
سالم (يستأنف الكلام في التليفون): يا مركز، يا عبد المقصود، رد عليّ ... البك المأمور واقف طالب السكة، إدّيني بركة السبع، إنت مين؟ ميت حبيش القبلية ... عايز بركة السبع. أنا «تلا» بقول لك «تلا» جاتك البلا. إيه؟ اختشي، أنا أتلهي على عين أمي، اسمع يا واد يا عبد المقصود، الزم مركزك، الكلام ده فيه مسئولية عليك! ... أنا إيه؟ جحش! إنت اللي جحش!

طوبة: سابوا السكة ونزلوا في بعض تسيخ!

الدكتور: خبر إيه يا سالم؟

سالم (في التليفون): يا بركة السبع، يا بركة، يا بركة، يا بركة ... إنت مين؟ ... اسكتي يا ميت حبيش يا قبلية ... أنا عايز بركة السبع! ... إيه؟ مشغول مع تفتيش الري؟! (يضع السماعة.)

المأمور: بركة السبع مشغولة مع تفتيش الري.

عيسوي: عربيتي «الباكار» توصلك بقى يا ست سومة، ما تعمليش تكليف، ونبقى نعطي خبر للأسطى إبراهيم يحصلك على مصر، الباكار آهي جاهزة على الباب بالشوفير!

طوبة وزكريا: دا أحسن حل!

سالم: مش أنزل أركب في الكومبيل يا ست؟

زكريا: كومبيل إيه؟ ... رايح تركب فين بس؟ ... الأوتومبيل يا دوب يسعنا إحنا الأربعة، ثلاثة جوة، وواحد جنب السواق، وانت تروح فين؟

سومة: صحيح، لك حق. راح يركب فين؟

سالم: أركب على الرفروف!

زكريا: رفرروف! تركب من هنا لمصر على الرفرف؟!!

طوبية: علشان يقع في السكة يعمل لنا حادثة تانية، ويعطل الأوتومبيل ده راخر!

سالم: ما يكونش عندكم خوف. اربطوني بحبل بلا قافية زي قفص البلح!

الدكتور (ينظر إلى ملابس سالم البيضاء): ورايح حضرتك كده بفوطة الصحة؟

طوبية: ومربوط على الرفرف بحبل؛ علشان يقولوا علينا خاطفين تمرجي!

سالم: لكم عليّ ألق الفوطة واتهياً حالاً أربعة وعشرين قيراط. (يخرج جاريًا.)

سومة (تتحرك نحو الباب، تتهياً للانصراف): أنا ممنونة قوي يا دكتور، وإن شاء

الله أحب تزورني في مصر. وانت يا حضرة المأمور طبعًا. عيسوي طبعًا مش قادرة أشرك

على ضيافتك اللطيفة. (تخرج مع سامي الذي يُسلم صامتًا.)

طوبية وزكريا (يتحركان نحو الباب خلف سومة وسامي): إن شاء الله تشرّفونا في

مصر!

عيسوي (لسامي وهو يُسلم عليه باليد في صمت): الأستاذ سامي برده مش مبسوط؟

أظن صحتك أحسن من ليلة امبارح!

سامي (في برود): الحمد لله!

(سالم يدخل مُهرولًا قبل خروجهم من القاعة، وهو يرتدي جاكته على الجلابية،

وطربوشًا على رأسه.)

سالم (يُشير إلى زيّه الجديد في تفاخر): كده كويس يا ست؟!!

الدكتور (همسًا لسالم): جبت منين الجاكته دي والطربوش؟

سالم (يغمز بعينه): كلام في السر! (بصوت مرتفع) نشوف وشك في خير يا سي

الدكتور!

الدكتور: يعني خلاص إنت مستعفي؟ أنا أراهن إن ما كنت ترجع لنا تاني بعد

أسبوع أو اتنين ... جنانك ده أنا عارفه طيب!

سالم: لأ ما تخافش. دي آخر مرة، على كل حال ما انشاش جميلك أبدًا، سلم لي على

الست الصغيرة والست الكبيرة، وجميع أهل المنزل بما فيه البت مرجانة الي لون صبغة

اليود! (يخرج مع الجميع.)

في الريف

(الجميع يخرجون، وتبقى القاعة خالية. ويسمع بوق السيارة وحركة مسيرها
في الخارج.)

عبد المطلب (يدخل مسرعاً بدون جاكته وطربوش): يا دكتور! يا دكتور! مين أخذ
جاكتتي وطربوشي من فوق المسمار؟! (ينظر في أنحاء الحجره) مفيش حد هنا؟ (يخرج
وهو ينادي) يا سالم ... يا سالم يا تلاوي!

طنطا، أغسطس سنة ١٩٣٠م

في موناتر

الشاعر

أنت تعرف عادتني ورغبتي يا جان: حساء البصل «سوب ألونيون» ونبيداً أبيض!
- وقلماً وورقاً؟

- القلم والورق معي.

فأحضر الساقى خرقة جعل يمسح بها خوائناً أمامي من الخشب، نقش عليه بمطواة
بعض العابئين صورة امرأة عارية تتمطى كعاريات «موديجلياني» ثم نظر إليّ وابتسم:
أما زلت تكتب الشعر على طريقة ماكس جاكوب؟!

قالها في صوت غامض غريب. فصحت به للفور: قلت لك يا جان ذاك عهد مضى. عهد
مونبارناس وقهوة «الدوم». أما الآن في موناتر، فأنا إنسان آخر أصنع شيئاً آخر.

- تكتب «شهرزاد». هل فرغت منها؟

- أوشكت. ولا ينقصني غير موسيقى من طراز «استرافنسكي». لقد عرفت هنا
موسيقياً مجرياً من نوعه. وأنصر قلباً منه. قد ينفعني، لكن المعضلة ليست هنا ...

وأمسكت عن الكلام؛ إذ مثل لفكري فجأة ختام «شهرزاد» الذي حرت في تصويره
منذ أيام. ورأى جان شرود ذهني فأنصرف عني تأدباً، وتناول قبعتي «الفنية» السوداء
ومعطفي الطويل الأسود يقطران بماء المطر، فعلقهما على مشجب بجوار النار وعاد يقول:
أتعرف جورج أوريك؟ كان يجلس إلى هذا الخوان. أما الآن فهو موسيقي معروف. أنت
كذلك من يدري مصيرك غداً؟

فضحكت على الرغم مني: أشكرك يا جان. مصيري مظلم. لو عرفت الحقيقة. حتى موممارتر بكل أسرارها وسحرها لم تستطع شيئاً معي. إنها جعلتني أفكر وأبحث كما ترى. لكن ما النتيجة؟ إن جورج أوريك قد وصل لأنه بنى على ما ض قريب. أما أنا فليس لي ما ض قريب. أمامي أن أنفذ إذن إلى ذلك الماضي السحيق الذي كادت تدرس معاملة تحت رمال الزمن ...

فهز جان رأسه، ثم رفع يده إلى لفافة تبغ يحملها فوق أذنه اليسرى فأشعلها وطفق يدخن. ثم تناول مكنسة وأخذ يكنس القهوة استقبلاً للصباح الذي يبيزغ عما قليل. ولم يكن بالمكان وقتئذٍ غيري وغير رجلين من اللصوص، أو الطغام أو الفنانين العظام! كانا واقفين أمام «بار» الزنك يشربان قهوة سوداء ويأكلان خبزاً صغيراً، وفي أحد الأركان امرأة من مومسات الحي، أو بنات الهوى المتجولات المختلفات إلى ذلك المكان ممن كنت أسميهن «قطط المحل» ... جالسة في هيئة من الكلال وسوء الحال تستثير الإشفاق، وهي بين أن وأن تتأمل وجهها الباهت تحت الطلاء في مرآة بالحائط كُتِب عليها بحروف من الجير: «قهوة سيرانو».

أقبل جان بالحساء والنيبيذ، فلم أتحرك ولم أكفَّ عن التأمل. فنظر إليَّ الخادم قليلاً ثم قال: أرى الوحي لا ينزل عليك إلا آخر الليل!

– صدقت يا جان. هو لا ينزل إلا بنزول عربات الرش تدوي بها الشوارع الهادئة، وأصوات قطرات الخضر المبكرة توقظ مخلوقات الله الوادعة!
فضحك الرجل. وطويت ورقي وألقيت بقلمتي. ودسست ملعقتي في الحساء ورفعتها، وقد علقت بها خيوط الجبن الممزوج بالبصل، والتهمت، ثم التفت إلى الخادم: أتدري أين كنت الليلة يا جان؟

فأجاب جان من فوره في صوت العارف الواثق: في حانة «الأرنب الخفيف».
– كلا، بل كنت هنا ...

وأشرت إلى مقصف «الفأر الميت» على مقربة من القهوة. ذلك المرقص المشهور الكثير النفقة، فبدا الخبث في عيني جان وشفتيه وقال في صوت المرتاب: وأين لك بالنقود؟

– سبحان الله يا جان! أين لي بالنقود؟ من تحسبني أيها المخلوق؟!
فضحك جان وقال: أحسبك رجل فن. وبين الفن والمال عداوة قديمة!

فأطرقت في إذعان وتسليم وقلت في تنهد: هذا صحيح. ومتى تزول هذه العداوة القديمة يا جان؟ ومتى تُعقد الهدنة على الأقل؟ إن المال حلو يا جان. إن النقود جميلة. إن مظاهر الغنى والبذخ والإنفاق والسعة هناك في «الفأر الميت» لشيء يجدد الحياة ويطيل

العمر! نعم. كنت هناك الليلة. اطمئن يا جان؛ أصدقاء موسرون هم الذين تفضلوا بدعوتي فلبّيت مرغماً، وتكلّفوا من أجلي خمسمائة من الفرنكات ثمن زجاجتين من الشمبانيا الفاخرة. ولا يغيب عن فطنتك يا جان أن هذا مكان يؤمّه أهل الطبقة العليا. فلا ترى حولك إلا أردية السهرة وأقمصة منشاة وأربطة للعنق بيضاء، ولكني أخذت على غرة، فلم أستعد للسهرة ودخلت على أولئك القوم وأنا على ما ترى من هيئة نظيفة! دون أن أحلق نقني على الأقل ... ودون أن أنظم حتى شعري المبعثر الأشعث في سبيل «أبولون»!

فنظر إليّ الخادم من رأسي إلى أخصم قدمي متفحصاً، ثم ابتسم لمنظري وقال: وأي بأس؟ أنت من فصيلة الشعراء!

– ماذا تقول؟

– مباح لكم كل شيء!

– آه لهذه الحرية التي يحسدونها عليها! ما قيمتها بغير نقود!

لن أنسى مظاهر النعمة التي رأيتهما هناك. لن أنسى أنني جلست كما تراني الآن بين القوم الأغنياء، وأجلسنا معنا غانيتين «بول دي لوكس» لم ترّ عيني أجمل منهما صنعاً! صنعتهما أيدي حلاقين مهرة فجرة! أجل يا جان. صدقني! أي تماثيل حيّة! أين فيدياس وبراكسيتيل يشاهدان اليوم أعاجيب صالونات الزينة ومعاهد الحسن! لم تعد المرأة حياً وإلهاماً للخلق الفني، ولكنها أصبحت هي نفسها قطعة فنية وخلقاً فنياً. وأصبح الوحي والإلهام لصنعها الصور والتماثيل. وهكذا ثملت قليلاً فيما يبدو لي من الخمر اللذيذة، أو من الحسن الكثير، فلم أنتبه إلا وأنا بين ذراعي حسناء أرقص معها على أنغام الجاز رقصة «البلوز» – كما قيل لي – بين رهط من الراقصين الحاذقين ... وأنا لا أعرف الرقص ما هو ... وما أحببت يوماً أن أعرفه. وحانت مني التفاتة إلى امرأة الحائط، فإذا على رأسي طرطور أحمر مذهب الحواشي. وإذا أنا ملتفتٌ في حبال من ورق «السربانتان» فسرت في جسدي رعدة واستدرت حولي، فإذا الجميع مثلي، صغيرهم وكبيرهم، قد لبسوا الطراوير والقلائس والتيجان من الورق المقوّى مختلف الألوان، واختلطوا في رقص متلاطم عريبيد، كرقص عباد «ديونيزوس». أجل يا جان. كانت ليلة بديعة. إنك لا تتصور كيف يمكن للإنسان أن يستمتع بالعيش هنا في مونمارتر، وعلى مقربة منك! إن هذا «الفأر الميت» لمفعم بالحياة! صمت جان لحظة، ثم رفع رأسه وهزّه ثم قال: كلا. كلا يا مسيو «الحكيم»، كلا. حياتنا نحن في الركن الحقيقير. قهوة «سيرانو» وأمثالها وحانات «القط الأسود» و«الأرنب الخفيف» و«أرستيد برويان» و«الجنة» و«الجحيم»... إلخ ... تلك مونمارتر الحقيقية، أما «الفأر الميت» وأشباهه فمصايد لاقتناص المال من جيوب الثروة.

تفكّرت قليلاً في كلامه فوجدته الصواب، فصحت: برافو يا جان. مرحى وألف مرة مرحى! هذا كلام عميق ما تقوله الآن. هذا حق. أتعلم لماذا تركت أنا مونبارناس وجئت أعيش في مونمارتر؟ أحسست بما تقول أنت الآن: إن روح التجارة وقنص المال تكاد تعمّ مونبارناس الذي ينافس حيناً هذا حتى ليكاد يقتله. شعرت أن مونبارناس ليس إلا حي السائحين من جميع الأجناس، وحيث يظهر السائحون يظهر البذخ والكذب والادعاء، نعوت ثلاثة يهرب منها الفن هرباً. وأحسست من ساعتى أن مونمارتر في أنحائها السافلة الفقيرة ما تزال مرتع الفن الخصب والفكر الحر. نعم. لكم تنتعش نفسي إذ أجوس خلال هذه الجهة: شارع «روششوار» ... شارع «بلانش» ... ميدان «ترتر». تلك المناطق المتواضعة التي خلّدها موريس أوتريللو في صورته ولوحاته ...

فقال خادم القهوة سريعاً في إعجاب يلمع في عينيه: أوتريللو؟ لقد أتى هذا أيضاً وجلس في هذا الركن وسمعت حديثه ...

- في هذه القهوة. وأي غرابة؟ ... إنه لا يستطيع، رغم شهرته الآن، أن يسلو حياة التشرد في مونمارتر. ولا يريد أن يهجر هذا الحي الذي نشأ فيه. ما أجمل هذا الإخلاص! إنه ولا ريب المحب الأمين الذي لم تبرد عاطفته نحو مونمارتر! لدي بعض صور منقولة عن لوحاته، لكن لست أنظر فيها الآن كثيراً، إنني أدخرها للغد، يوم لا أجد عزاءً غير الصور. أما الآن فإن مونمارتر تحتويني بذاتها وحقيقتها، وتهمس في نفسي بكل شعرها وبكل موسيقاها الداخلية التي لن يخفت لها صدّى ما دمت أعيش.

وسكت قليلاً إذ بدا عليّ شيء من التأثير، فسألني جان: أنتوي أن تعيش هنا طويلاً؟ - يا ليت ...

قلتها من كل قلبي وأنا أرى شبح المصير الذي ينتظرنى.

- اسكت يا جان! لا تذكرني بالغد. إنني الآن أعيش، حسبى هذا. أعيش في مونمارتر، فردوس الفن ... الذي سأفقدّه يوماً. سوف أذكره مع الحسرات، وأذكر حياتي الشاردة بين قهوة سيرانو وحانة «الأرنب الخفيف»، وسوف تتمثل لي كل لحظة تلك الحانة المظلمة بنورها الضئيل وروادها الجالسين إلى براميل انقلبت موائد، ينظرون إلى رسوم على الحيطان وتمائيل كلها ذوق في التصور، ولذع في الفكاهة، وغرابة في الأداء، وينصتون إلى أغاني القرون القديمة وقد بُعثت في ثوب جديد من مغنين وشعراء حديثين موهوبين، ويشربون «البورتو» ممزوجة بالكرز، ويضحكون من نكات الساقين الظرفاء مثلك يا جان، تلك النكات الرشيقة المبطنة بحسن الذوق وعلو الكعب في التخيل والشعر. حانة ساقوها

وخدماتها شعراء ومغنون. أليس منهم نبغ «كاركو» و«دورجليس»؟! كما نَبَغَتْ «إيفيت جيلير» من قبل؟

– أتذهب إلى تلك الحانة كل ليلة؟

أكثر الليالي عندما كنت أقطن بجوارها، أما الآن فأني أقطن في ناحية أخرى من الحي، شأني في كل شهر. ما أحلى التنقل والحرية يا جان! مسكني اليوم في شارع «روششوار». حجرة تحت سقف منزل يحتويني أنا وشرذمة من المصورين «الكوبست». وأفتح نافذتي فأرى قبة كنيسة «ساكريه كور» البيضاء في متناول يدي، كأنها بيضة صورتها ريشة «جيورجيو دي شيريكو». شيء واحد يزعجني في حجرتي الجديدة: المطر الذي يتسلل من خلال السقف، فأتقيه بإناء أضعه في الفراش على رأسي طول الليل! نعم يا جان، تلك حياتنا كما تقول، لكني أحبها مع ذلك ولا أريد سواها. وأرى الجمال فيها أينما حلت، حتى مقبرة مونتريتر كنت أراها من نافذة حجرتي السابقة، قائمة فيها أشجار الكستناء يغطيها الجليد أيام «النويل»، فكأنها ملائكة بيضاء. ما أبدعه منظرًا يا جان! لو شاهدته عينك ...

فرفع الخادم رأسه ثم قال: حقًا منظر جميل! ما للشعراء دائمًا من بضاعة غير الجمال! أليدك سيجارة على الأقل يا مسيو «حكيم»؟

ولا كبريت يا مسيو جان، مع الأسف. أنسيت أنني لا أدخن؟

– حقيقة، حقيقة أنت لا تدخن قط، مع الأسف الشديد!

– خمسة أشياء لم أفعلها قط في حياتي: شرب الدخان، ولبس القفاز، وحمل الساعة، وركوب الدراجة، والعموم!

فضحك الخادم ضحكة كبيرة، وكنت قد مسحت إناء الحساء مسحًا، ومحوت وجود النبيذ محوًا، فحمل جان الكوب والإناء وابتعد، وأردت أن أعود إلى ورقي فإذا الساعة تدقُّ منتصف السادسة، وإذا النهار يطلع، وشاهدت من خلال زجاج الباب بعض العمال والعاملات في الطريق زرافات ووحدانًا تمشي مسرعة إلى الترام والمترو، وفي أيدي الجميع صحف الصباح. فطلبت إلى جان قبعتي ومعطفي، فأحضرهما وهو يقول: لماذا تنصرف مبكرًا الليلة؟

– مبكرًا؟

– إنك لم تكتب حرفًا.

– لقد أدركنا الصباح يا جان. و«شهرزاد» تسكت عن الكلام والإلهام إذا أدركها

الصباح.

فابتسم جان وتأمل لحظة، ثم قال: إنها كمونمارتر.
فحملت في وجهه بعينيَّ دهشًا، ولكنه استطرد يقول: مونمارتر كذلك تسكت عن
الكلام والإلهام إذا أدركها الصباح!

فألقيت بقبعتي على الخوان متحمسًا وصحت به: جان! واحد من أمرين: إما أنك
ذكي الفؤاد، وإما أنك شاعر بالسليقة. سمّ نفسك ما شئت، إنما أنت الآن تقول قولاً
صادقًا جميلًا بدون أن تشعر: إن مونمارتر هي شهرزاد. وإني — لو عرفت الحقيقة —
ما قطنت هذا الحي عبثًا. ولسوف تقرأ «شهرزادي» وتتعرف فيها ملامح مونمارتر. إن
«شهرزاد» في نظري لم تكن يومًا قصة الخيال والبذخ والخرافة، كما فهمها الشاعر «كاتول
منديس» في قصيدته ... والموسيقي «ريمسكي كورساكوف» في قطعه السانفونية، لكنها
عندي قصة الفكرة والحقيقة العليا، قصة الروح التي خرجت من المادة. كذلك مونمارتر
التي اشتهرت بلهوها وانغماسها في بؤرة المادة ... أي روح تخرج منها كل يوم فيأضة
بالخلق والإبداع! مونمارتر هي تلك المرأة اللعوب ذات الروح العميقة، هي غانية تنام النهار
وتسهر الليل، تكشف لعشاقها محاسن الحياة وأسرار الحياة. هي أيضًا كشهرزاد تعمّر
الليل بأقاصيصها وحكاياتها عن الحب والفن حتى الصباح، فتسكت عن الكلام المباح وغير
المباح! ولكن شهرزاد قالت ما عندها في ألف ليلة وليلة، ثم سكتت سكتة الأبد؛ لأن زوجها
وعشيقها شهريار كان قد أصغى إليها وانبهه مما سمع، فزال عن عينيه غشاوة الماضي،
وأبصر ما في الحياة وما بعد الحياة من معانٍ وأسرار. وأدرك أنه قبل أن يعرف شهرزاد ما
كان إلا طفلًا يلهو ويعبث كل ليلة بزوجة يقتلها في الصباح، فإذا هو مع شهرزاد يرى في
الحياة أشياء أخرى غير مجرد اللهو والعبث. إن شهرزاد مربية شهريار ومثقفته في «ألف
ليلة وليلة» قد صنعت منه رجلًا، ثم صيرته بعد ذلك شيئًا آخر غير الرجل: ما بعد الرجل
... مونمارتر كذلك تدخلها طفلًا يلهو فتصير رجلًا يشعر ويحس، ثم تتركها مخلوقًا يتأمل
ويفكر ... أي تأمل وأي تفكير؟ شهرزاد قامت بمهمتها في ألف ليلة وليلة، أما مونمارتر
فتقوم بمهمتها في كل ليلة منذ مئات الأعوام ... لا مع رجل واحد، لكن مع رجال كثيرين. لا
مع كل إنسان، لكن مع الإنسان الذي يصغي إليها ويجلس بين يديها ويعرف لغتها ويفهم
عنها، وينفذ إلى روحها السحيفة من خلال ظاهرها اللاهي الماجن المتبدل الخفيف. نعم يا
جان، بل إنني أريد أن أقول أكثر من هذا؛ أريد أن أقول إن مونمارتر ليست قط تلك المرأة
الفاجرة التي توحى باللذة السافلة، كلا، إنها في أعماق نفسها امرأة لا توحى بغير الطهارة
الكاملة. أقسم لك يا جان أنني في حياتي ما أحسست الطهارة العليا الكاملة إلا في هذا الحي

الخليع! أتصدق هذا؟ أتعرف السبب؟ السبب بسيط الحرية. تلك الحرية المطلقة في إتيان أية رذيلة بدون خشية قيد أو تحريم. هذه الإباحة للرذيلة زهدتني في الرذيلة نفسها. إن الإنسان بطبعه يطلب الممنوع عنه المحرم عليه، ويزهد في المباح. إن الملك شهريار الذي استمتع طول حياته السابقة بالنساء وباللذة الجسدية كاد يقتله الملل، فصار يقتل كل امرأة بعد ليلة واحدة، حتى جاءته شهرزاد فكشفت له عن اللذة الروحية، فإذا هو ينقلب إنساناً يعشق كل ما هو روح، ويمقت كل ما هو مادة، وإذا هو يصيح كلما عرضت له المادة: «شبعت من الأجساد ... شبعت من الأجساد!» هذه الصيحة انطلقت من فمي يوماً ... كما انطلقت من فم كل فنان في مونمارتر. رأيت كيف أن مونمارتر هي في حقيقتها مملكة الروح لا مملكة المادة! أكثر من هذا أيضاً يا جان: مونمارتر هي النافذة المفتوحة على بيداء الفكر المهلكة، هي المحطة التي يبدأ منها كل فنان أو مفكر رحلته المخيفة في طريق البحث عن الحقيقة العظمى. علمته مونمارتر التفكير فاتجه إليه هائلاً بالعاطفة، غير حافل بأعباء السفر، حتى يظفر بالمجهول. ألا تذكر: بيكاسو، جان كوكتو، إيريك ساتي، زادكين ... إلخ. أسماء في التصوير والشعر والموسيقى والنحت ذهبت مغامرة في تلك البيداء ... لا يعلم أحد أتعود أم لا تعود. كذلك شهرزاد أوحث لزوجها بجمال الفكر، فخلع عنه العاطفة، وانطلق يهيم في تلك الصحراء خلف سراب العقل والفكر ... لا يعلم أحد أيعود هو أيضاً أم لا يعود، كل هذا وشهرزاد باقية كمونمارتر ترمق محبها القادم والراحل بتلك النظرة العميقة، وتلك الابتسامة التي لا يدرك لها كنه.

وصمتُ قليلاً، ورفعت عيني إلى جان فإذا هو واقف بغير حراك يصغي وكأنه في حلم. ودخل القهوة رهط من العمال والعاملات، يطلب كلُّ قَدْحًا من القهوة وخبزًا صغيراً، فانتبه الخادم وانصرف إليهم مسرعاً، ولبست أنا قبعتي ووضعت معطفي فوق منكبي وضعتاً ... وتوجهت إلى حجرتي ... أسدل سجفها حتى لا يزعجني الضوء ... وأملاً زجاجة الماء الساخن، أضعتها تحت قدمي خوف البرد، وأنام حتى مطلع الليل، شأن الفنانين عشاق مونمارتر المدللين ... الخاضعين لهذا الشعار: «حياة الليل وموت النهار».

دمنهور، مايو ١٩٣٣م

